

自序

老子道家之經也孔子定六經刪書斷自唐虞得於易曰上古結繩而治後世聖人易之以書契蓋自伏羲氏始畫八卦遺書契神農重八卦爲六十四卦作連山黃帝得河圖洛書作歸藏孔氏書叙云伏羲神農黃帝之書謂之三墳言大道也然則黃帝之書莫古於三皇而老子之書獨與易合孔子曰易無思也無爲也寂然不動感而遂通天下之故然後知老子之言伏羲神農黃帝相傳之言也即伏羲神農黃帝相傳之道也荀氏曰歸藏黃帝孔子春之說不可易黃帝在位百年功成之後於農之易皆反而歸之得其初象知陽氣之所以生質原於此於是以坤爲首以陰爲主以靜爲道以柔爲用所以明也余按老子之言道即本於此邵康節云老子知易之體孟子知易之用皆說言乎夫道不可以言傳老子出圖圖合尹喜曰強爲我著書強之云者老子之不欲著書以言道也明矣老子之言曰道可道非常道名可名非常名又曰吾不知其名字之曰道強名之曰大是則老子之言道強爲言之強爲名之耳故又曰知者不言言者不知後之人宗無言之教得無爲之言則一言可括五千言可也則五千言無一言可也即是即善易者不言易也

老子 卷一 序

莊周嘗老聃之道術曰建之以常無有主之以太一以清靜謙下爲貴以容虛不毀爲寶爲貴古之博大真人哉蓋老子之言道宗法自然自然者即無爲之謂余最愛老子之言道即有以言無與釋氏之真空百義者不同如曰谷神不死谷則有也神則無也三十篇共一義有也當其無有車之用無也故曰有之以爲用無之以爲利易明器即道老明有即無易之稱名也雖而不越於其義世之意耶老之爲術也以清靜爲本以約爲己知自守無知無守雖其亦義世之意耶老將稱經曰漢景帝始居元宗以定章句傳爲道德經魏晉以來註之者衆杜光庭所列六十餘家道藏所收諸書所錄更復無數或乃以爲黃帝之言道流且附會以神仙吐納之術固不足論而嚴遵王弼以下如葛洪羅什參以釋理蘇子由援儒入學各明一義要之老子言道之書也其道即伏羲神農黃帝相傳之道其言即伏羲神農黃帝相傳之言也人法地地法天天法道道法自然天不變道亦不變孔子之言性與天道不可得而聞也然而孔子贊易性與天道之言在是矣老子之得易之體觀於谷神不死章列子以爲黃帝所言則知道德之意皆上古神聖之所傳述而不作信而好古竊比於我老彭楊龜山以爲非老子莫屬朱紫陽亦言周之史官

老子 約

掌因之典籍三皇五帝之書如五千言或亦古有是語而老子傳之說或是言也余學道未深身經變亂國變而後終老於黃冠因取老子書熟讀之標說經者之脈說多歧而面寡要也不揣固陋成老子約一篇其中博覽諸註其精華者半似曾見其旨自出心裁若半非取諸家精要之言著錄於後聊以附述而不作之義因悟老子之書多譬喻之言引伸比例之語即如欲暗因張欲取固與乃老引古語稍取微明同強之訓故下文承以用柔強弱二語以明柔弱之勝剛強味者不察乃以老子爲陰謀策言而所謂下士聞道大笑之不足爲道也持此意以謂老子則思過半矣昔者老子問禮於老聃有句說之嘆未嘗其論道之非蓋子言指得亦未誤及老子或謂楊朱宋老子之體失於不及以至貴身賤物莊周連老子之用失於太過故欲絕聖棄智申韓失老子之名弊於苛嚴刻急王何失老子之道流於虛無放誕以爲此六子者皆老子之學人然而學派之分愈轉愈失於老子何與即如子思之後乃有荀斯失陸異同紛紛衆說紛明良知之說墮入禪惠亦豈孔孟之若嘆乎道家與儒家豈有異乎如曰六朝諸老莊周亂胡以漢之文景宗黃老則治國者如對病用藥惟其時而已今何時乎老子之道攻清靜還名稱務

老子 約 卷一 序

蓋長庚與老不暇應察不役智能無爲而民自化無欲而民自樸連神閭隱然見太古之風俗無後氏之民與爲天氏之民然余所爲墨然高望而有遐思也已未十月後道人自序於上海時正居

凡例

一史記云老子著書上下篇言道德之意五千言亦其大略耳後人有刪節之以合五千之數者唐虞卿奏註者不下數百家今尚流傳數十家而字句多有不同明倫君采集諸侯均有考異篇言之甚詳今從王弼註本間參以諸本不復註明以歸簡便

一史記載云著書上下篇唐元宗稱爲道德經以上篇爲道德經下篇爲德經但非的的王弼註則分上篇下篇不分道德二經以上下均言道德之意不必分晰也今亦從之

一此經分章多有不同王弼分八十一章嚴遵分七十二章韓非分五十五章孔穎達分六十四章吳澄分六十八章今從王弼本分八十一章又每章亦有以二字標題者如首章名體道二章名修身之類以意爲之無關宏旨亦所不取

一黃真云人之著書惟恐不出於己我之著書惟恐不出於人是老子述而不作之義也札爾左傳集解朱子四書集註皆博採諸家運以己意本欲做效之然頗有心得自出新裁與重諸各家約得其半蓋老子書皆引古語亦多譬喻比例之辭余之新發明者未必與古註有暗合者也學者宜分別觀之若徐靈胎道德經註自云熟讀經文深

老子約一卷一凡例

三

參至道不與諸實直經義其或說有與前人同者此乃一心暗契並非勸獎也云云毋乃與述而不作之義悖歟

一撰註之後復取諸家註解之精當者節錄於後若能潛心體會於老子當有心得

一老子書得易之體易經多用韻語老子亦多用韻語如第十章體兒姁知唯爲韻十一

章幅較爲韻十二章言得狂防爲韻各章可以此類推莊子之書要歸於老子之言篇中亦多用韻陳壽昌南華真經餘古韻攷一篇可按也

一老子爲道教之祖亦曰黃老家言以儒理解之非道教也以禪理解之非道教也此註

采擇嚴嚴然有時與儒理合者則其源流同出於易自屬不能歧視若所選諸家有近

禪理者說有可未必加按註明之

一老子書智者見智仁者見仁故註解最多有以爲兵家陰謀之說者有以爲神仙修煉服食導引之說者有以爲燒丹煉汞之說者其餘異說尚多皆屬支離附會一切屏棄近人所註有以爲吾國最高之哲學者是新學家言余亦未敢附和余之意只知發明黃老之學得其微旨會其要旨耳

一余於此註之外備有讀老圖集諸老小言爲讀老子者之引導學若遊觀之則其要旨微言可以了然於心矣

一陸農山云聖人之在下者多矣其著書以道德之意非獨老子也蓋約而爲老子計而爲列子又其詳爲莊子余聞道家之有老子即儒家之有孔子列莊乃荀子之倫最可與老子書詳約乎此書取名老子約乃博覽諸註由博返約之意與陸農山之言約者不同

老子約一卷一凡例

四

老子約卷一

道德經上篇



羅浮道人邵付氏學

一章

道可道非常道名可名非常名無名天地之始有名萬物之母故常無欲以觀其妙常有欲以觀其微此兩者同出而異名同謂之玄之又玄衆妙之門

此章言道之所以爲名首揭無字之要旨凡事可踐行謂之道然可道者則非常道凡物可指定謂之名然可名者則非常名道本無可名而天地萬物皆此道之顯顯因強名之曰道且天地萬物有時而盡而道則亘古而不變是謂之常由是而知道本無名而常之理已具天地之所由始也道既有名有名則有形有子必有母萬物所由生也常無常有常從司馬溫公王介甫兩何要之斯道固常無也聖人之體道必先該其常無以觀其始物之妙有者無之對待又參察其常有以觀其終物之微妙故之極也微歸終也是有與無同出於一其名異耳名異而實同故同謂之玄老子之言非舍

老子約卷一

五

有以求無也常其有時人見爲有我見爲無是乃真有是乃真無是乃真妙妙即微微即妙故曰玄之又玄衆妙之門世之稱道教爲玄教者本此易貴有恆故曰恆其德有恆德斯有常道然而道豈有名入強名之曰道耳行不言之教道豈有言人乃強之言耳故老子發言之始意謂可道之道可名之名者五千文之言也而黃帝不傳之秘門在人之親無親有玄之又玄而自得之也
朱文公曰道而可道則非常道名而可名則非常名蘇子由曰無名者道之微有名者道之用無親侯曰莊子云建之以常無有正指老子此語

二章

天下皆知美之爲美斯惡矣皆知善之爲善斯不善矣故有無相生難易相成長短相形高下相傾音聲相和前後相隨是以聖人處無爲之事行不言之教萬物作而不自生而後有爲而不恃功成而不居夫惟不居是以不去

此章示無爲之旨當注意有無相生而不有兩句天下之萬事萬物皆因對待而成故有惡乃有美有不善乃有善使不知美之爲美善之爲善則亦無惡與不善也是以

老子約

正一天師清微弟子 洪百堅 製作

不能舍有以求無舍無以求有蓋有與無之相生亦如難與易之相成長與短之相形高與下之相傾聲與音之相和而前後之相隨因其對待而成也夫物以對待而成亦猶爲往來與順而已豈常也哉聖人知其然也以常道處事道立於萬物之先順物之自然爲無爲之事行不言之教惟無爲則無不爲也惟無言則無不言也若是者無往不勝萬物爲我作而我無所辭萬物惟我生而我不有夫生而不有即所謂無也爲而不恃功成而不居即無爲之事也有居則有去我既不居又安所去乎

政和即注曰萬物並作隨感而應無所辭也自然而化自生而化就有之說呂惠卿曰聖人終日爲而未嘗爲終日言而未嘗言蘇子由曰聖人居於貧賤而無貪賤之憂居於富貴而無富貴之累此所謂不居也我尚不居彼尚何從去哉此則居之至也

三章
不尚賢使民不爭不貴難得之貨使民不爲盜不見可欲使民心不亂是以聖人之治虛其心實其腹弱其志強其骨常使民無知無欲使夫智者不敢爲也爲無爲則無不治此章言無爲之治也聖人非不任賢也而賢非所尚非不理財也而不貴難得之貨使

老子約卷一

六

其尚賢則民趨於名而必爭矣使其貴難得之貨則民趨於利而爲盜矣名利可欲者人心自不寧矣即不示之以可欲民不見可欲則心不亂矣心不亂則必無貪利之心而心中自有是之謂道其心然民雖不貪乎利聖人必爲之謀生以足食故曰實其腹心不亂則必無爭名之心而寵辱皆忘是之謂道其志然民雖不爭乎名聖人必使之勤力而自強故曰強其骨能如是則民守其真矣蓋由上之不尚不貴故民於名利無所如無所欲也即使有知之者亦不敢爲爭競之事也若以無爲爲治民亦同守乎無爲天下無不治矣

四章
治者市曰心藏神而腹者心之宅藏其心則神不驚而腹實矣腎藏志而骨者骨之條弱其志則精不搖而骨強矣虛其心而腹實則常使民無知也弱其志而骨強則常使民無欲也吳草廬曰虛心實腹弱志強骨後世養生家借以爲說其說雖精非老子本旨也

道冲而用之或不盈謂分似萬物之宗推其說解其紛和其光同其塵其分似或存吾不

知其誰之子象帝之先

此章首尾皆言道之象道即無也冲虛而深妙使用之而見其盈則失其冲虛之道矣然其理妙金用而愈不窮蓋淵乎常止樂流之所歸也似萬物之宗矣然道即是無似萬物之宗而亦有以宗之也我何術以得此道哉心出而人物爲鏡其鏡則心精物至而安心爲粉解其粉則心一惟精惟一則先生焉又恐其與物異也乃從面之和光則同塵矣光在塵之外和之而不別塵在光之內同之而無異如是則此心湛然常存然亦似或存耳蓋此心本無物也爲靈爲虛爲光爲照吾無容心於其間吾亦安知此道之所自生哉故曰吾不知誰氏之子天生乎萬物而道又在天之先故曰象帝之先帝天帝也

曰元御注曰道無不在在光在照皆與爲一一先塵耳而妙本非光塵也王衍曰曰存而不有沒而不無有無莫測故曰似存

五章

天地不仁以萬物爲芻狗聖人不仁以百姓爲芻狗天地之間其猶橐籥乎虛而不加

老 子 約 卷一

七

而愈出多言數窮不如守中

此章言道之妙用也夫道在天地之先仁亦豈足以擬道哉天地聖人無事於仁而反有似於不仁蓋任萬物之自生自死聽其自然而無所容心也對狗者尊章爲狗藉祭所用既用則棄之夫天地之體道也道即是無其視萬物皆陳設之器而已無所事仁聖人之體道也其視百姓亦然蓋執無以爲道則天地聖人自視亦如對狗其視萬物百姓如對狗也固宜然其於萬物生之畜之長之育之養之葬之覆之罔無或遺其機也夫唯不仁是之謂大仁觀於天地之間其猶橐籥是可證矣橐籥之中空洞無情無爲故虛也而不窮屈動也而無竭蓋天地之機發爲生殺萬物出於無心亦若是而已天地任自然不可得而窮聖人法無爲亦不可得而窮則皆虛中之效也故告以多言數窮不如守中之不窮也

王輔嗣曰地不爲賦生對而賦食對不爲人生狗而人食狗無爲於萬物而萬物各適其所用則莫不賔矣若慈山已樹未足任也王純甫曰對狗喻聖人變化之妙縱橫嘗聖人存神之妙多言數窮不如守中則老子自危自戒之言也後世學者果不得於對

狗百姓之言而疑有主并斯民之意且曰中韓之傳刻原於道德也自史遷已始其

六章

谷神不死是謂玄牝玄牝之門是謂天地根綿綿若存用之不勤

此章言道之真相也谷有形也而谷之空處則虛而無形謂之谷神空虛即無也夫空虛無形本無有生而安有死觀三十篇共一觀章皆當其無有車器皆之用則此章亦以谷之當其無有生天地萬物之用故谷神言其德玄牝言其功谷而有神喻此道之虛無自無生謂之玄喻元氣之和柔情弱故曰玄牝之門者萬物自是出也天地之根者天地由是生也以爲無耶則綿綿而不絕以爲存耶則空虛而無死故曰綿綿若存蓋無空不滅以無生有是斯道之妙用出於自然也勤勤云勞也神常存於中氣不耗於外其用也誰見其勤哉

呂吉甫曰古之人以體合於心心合於氣氣合於神神合於無其說是也合則不死不死則不生不生者能生是之謂玄牝矣章曰玄牝者萬物之母也莊子謂太一者

老 子 約 卷一

八

此章之爲靈實後天之宗天地根者天地之始也莊子所謂無有者此靈之爲元始先天之祖杜道堅曰列子亦有此章然不言出於老子而言黃帝得則知老子五千文引用增廣古語爲多如經中凡釋是以聖人稱古之所聞稱建育有之稱故聖人云用兵有言是皆明述古聖道言故孔子述而不作竊有比焉惟信而好古者可與言此道

七章

天長地久天地所以能長且久者以其不自生故能長生是以聖人後其身而身先其

此章言道之無爲本於無私也谷神不死道自長久以其不自生也天地之根出於玄牝天地法道故亦不自生也不自生乃能長生天道無私者也天地無私者人也亦法其無私可矣惟聖人能體道私欲不存上下與天地同流與物無競能後其身清淨自正能外其身若於此身無所愛者然而身先存人之見之以爲能成其私也然聖人豈欲成其私哉蓋法斯道之無爲公而無私而已矣

政和注曰自爲私未成其私者也與章曰後謂卑賤在下不求先人先謂尊高在上外謂清淨無爲不求益生存謂長久住世程俱曰天地人一體其天不知其爲天地不知其爲地今一受形而爲人則認以爲己曰人耳其謂其養生不可以無物也則窮無益之求謂其有身不可以不愛也而營分表之事厚其生而愈傷其軀而身愈病其不中道夭者亦幸矣老氏之旨如此而求之思者以謂黃老之徒率其死而求長生者豈不惑哉

八章

上善若水水善利萬物而不爭處衆人之所惡故幾於道居善地心善淵與善仁言善信正善治事善能動善時夫唯不爭故無尤

此言無爲之道甘處卑而不爭也易曰一陰一陽之謂道繼之者善也若上善雖與道有間然亦幾於道矣何以見之蓋上善若水也人多自私自利而與人爭水則善利萬物而不爭人多處卑下水則甘卑而處衆人之所惡上善如是可謂幾於道矣能處卑下故曰居善地居深不測故曰心善淵挹注不窮故曰與善仁潮汐不爽故曰言善信

老

約

卷一

九

信難焉穀幾故曰政善治功可謂用力可謂隨故曰事善能冬凝春泮潤澤應節故曰動善時凡此七者之善皆聖人利萬物而不爭之實也衆人所以無德於之也

九章

持而盈之不如其已揣而銳之不可長保金玉滿堂莫之能守富貴而驕自遺其咎功成名遂身退天之道

此章言無爲之道最盛盈滿也盈虛消長之理易言備矣可不深長思乎富貴則必盈盈而不善持之則必覆不如不富不貴之爲愈也論者巧於度情銳者利於人物心計雖工鑽營雖巧而不知富貴之不可長保也所以金玉滿堂有莫之能守者矣此無他富貴而驕不知盈滿之可懼而自遺其咎也日中則移月滿則虧四時之運成功者退天道如此而況人乎知不足知止不殆是持盈之道也

劉師立曰此言深欲教人謂非必處山林絕人事然後可以入道雖居功名富貴之域皆可動而行之

十章

執善抱一能無離乎專氣致柔能嬰兒乎澹除元覽能無疵乎愛民治國能無爲乎天門開曰能無離乎明白曰達能無知乎生之畜之生而不有爲而不恃長而不宰是謂玄德

此章言修道之要至爲精微學者不可不盡心也魂與神往來而變旁精出入如軍營之營環而無隙我能藏之則魄與精不致離而爲二一謂抱一而真精在中矣嬰兒百無一知而其氣至專百無一能而其氣致柔專氣致柔則養氣之功深矣神妙於目目有所見則神馳於外引於外物則神散散於一則則神皆能潛降之而無疵則神全矣此出世之人能葆其精氣神者也老子更爲佳世者言之曰善養生者不損其精善治門者不損其民善養德者非損其之謂也清靜曰正無意於爲抱一之旨即無爲之旨耳所謂無爲也善言專氣致柔者非閉之謂也天門開曰思呼吸氣純熟而能爲神也所謂知其雄守其雌也善言澹除玄覽者非昧之謂也明白曰達玄覽亦明曰接於外心境兩忘似乎無知卽是知不知也所謂知其白守其黑也若此者可謂玄德矣聖人之於民信能生之畜之矣而無爲無知守神如是則又生而不有

老

子

約

卷一

十

爲而不恃長而不宰也蓋無心於生無心於長也言物自長足非善成王特曰曰能無爲乎所謂道常無爲侯王若能守則萬物自化無窮侯景乘曰莊子云老子以空虛不毀萬物爲貴其說亦甚明矣雖老子者猶謂其乘人事之貴而得任處無也則未考其文而先有意誣之耳豈不妄哉王陽曰此篇自爲士以至於體神人聖修身之序盡矣

十一章

三十幅共一轂當其無有車之用埴埴以爲器當其無有器之用鑿戶牖以爲室當其無有室之用故有之以爲利無之以爲用

此章言無爲之用也釋家言寂滅四大皆空而壞情出不以空滅爲有用也老子之所謂無則於有之中言無非於有之外言無故曰有之以爲利無之以爲用自正心修身以及治國平天下皆此無之以爲用也與佛氏之徒言空滅者不同而聖人無爲之治亦不外此車無中間之空孔不能轉軸陶器無中空不能容物室無戶牖空明之處不能居處是車器室之用者皆在空虛之處故曰無之以爲用也而有之以爲利人皆知之

而行之爲用人或不識老子當指點其旨深矣是以聖人常無以視其妙常有以觀其微也

莫章國曰人之質腹有氣所以存身慮心無物所以生氣王船山曰道有者所以求其有也孰知夫求其有者所以保其無也經綸以有而但爲其無豈樂爲哉無者用之藏也

十二章

五色令人目盲五音令人耳聾五味令人口爽馳騁數令人心發狂難得之貨令人行妨是以聖人爲腹不爲目故去彼取此

此章言學道者不可移於外物也目以色盲耳以聲聾口以味亡田獵馳騁取貨無厭皆由心能取而生亦由心所取而喪凡所欲之外物皆害身者也夫數獵令人心發狂是可畏矣而不知目盲耳聾口爽亦可致心之發狂也若夫難得之貨聖人正路是曰行妨貪之爲害更甚於令人心發狂當切戒之是以聖人爲腹不爲目腹受而求貨貪目貪而求受爲腹者知足不辱知止不殆之謂也何乎外則辱殆而行妨矣不爲目

老子約

卷一

十一

者不見可欲使心不亂之謂也爲目則常見可欲矣聖人去彼常見可欲之紛擾而取此無知無欲之虛靜學者當知所從事矣

王輔嗣曰耳目口心皆順其性也不以順性命反以傷自然故曰目盲耳聾口爽也順性則目耳口心皆順其性也不以順性命反以傷自然故曰目盲耳聾口爽也順性則目耳口心皆順其性也不以順性命反以傷自然故曰目盲耳聾口爽也

十三章

寵辱若驚貴大患若身何謂寵辱若驚寵爲下得之若驚失之若驚是謂寵辱若驚何謂貴大患若身若身有大患若貴若身及善無身若有何患故貴以身爲天下若可寄天下愛以身爲天下若可托天下

此章言無身之學無身即無心也寵辱若驚有心之爲累也貴大患若身有身之爲累也何謂寵辱若驚寵辱相反然寵能貴之趨能降之辱固生於寵世人不知而

正一天師清微弟子洪百堅製作

老子約

卷一

十二

以寵爲上而不知寵爲下也吾之所以有寵辱之異者以吾有寵未得之則寵其得之既得之則寵其失之以吾有心也若吾無心則何寵辱之若何謂貴大患若身貴大患若身者一身寵辱得失之於外生死疾病攻之於內常有患則思避之入理大患爲重皆以爲大患之切身以吾有身也若吾無身則何大患之有蓋無心則無身無身則無患無患則無患自自然之理也然所謂無者非棄而去之也但有之而未嘗有耳如孔子之無意無我是也無心則無寵辱無身則無大患非後其身而身先外其身而身存乎不輕以身爲天下者天下反可寄托非以其無私故能成其私乎吳章曰注以爲楊朱爲我之學原於此據楊朱之爲我我拔一毛而利天下不爲也老子之及吾無身即無心也貴以身爲天下愛以身爲天下重視其身爲天下寄托之身非拔一毛以利天下而不爲也若同楊朱安可以寄托天下章之旨誤矣政和御注曰據利勢善貴謂作威福天下畏之如神明尊之如上帝可謂貴矣聖人則不以貴自累故能長守貴而無患世之人以物易性故雖物而忘勢以形累心故喪心不能忘形其患大矣夫死生亦大矣而無變於已況得喪禍福之所乎此古之至人

十四章

視之不見名曰夷聽之不聞名曰希搏之不得名曰微此三者不可致詰故混而爲一其上不覲其下不味繩繩不可名復歸於無物是謂無狀之狀無物之象是謂惚恍迎之不見其首隨之不見其後執古之道以御今之有能知古始是謂道紀

此章示人以觀道之法而知道即無也夷謂平夷希謂希少微謂微茫凡人視以目聽以耳搏以手然而不可見不可聞不可得但強名之曰夷希微而已凡物求之不得或可以致詰得之此三者不可致詰也不可致詰則此三者混而爲一者何即道也道即無也凡物皆上明下昧道無上故不覲也道無下故不味也繩繩往還來顧而不絕

老子約卷二

十七章

羅浮後道人鄒村氏序

太上知有之其次親而後之其次畏之其次侮之信不足焉有不信焉猶今其貴信功威事從百姓皆謂我自然

此章言太上無爲之治民皆自然也太上即有道之君居無爲之事行不言之教民皆相忘於無爲在下者祇知有其上而已不知其上之有道德也其次則以仁義治民而民親之其又其次則以政刑齊民而民畏之然爲政而使民畏非治本也政刑之所不及則民侮之矣夫人君御宇道德已失一降而爲仁義再降而爲政刑三降而爲權謀法術是已之誠信已不足宜乎民之不信也易若法無爲之治與斯民相見以天也相見以天之間何使信至是則民亦無有不信之者猶其貴言以復乎道而已貴言者行不言之教即以處無爲之事也及其功成事遂百姓皆謂我自然不識不知順帝之則帝力於我何有哉此無爲之治所以可貴也

老子約卷二

呂古甫曰今夫父子愛欲不啻而喻至主之際朋友之交欲致其欲之之意必有以文之而後喻何則情之足與不足而已則親之厚之已出於情之不足而有不信況於畏之侮之乎

十八章

大道廢有仁義智出有大偽六親不和有孝慈國家昏亂有忠臣

此章嘆無爲之道已廢而世變愈急也道不可名名之爲道已非道矣況復分斷之而爲仁義智之徒使大道之隆也仁義行於其中而民不知及大道廢而仁義以名然仁義則可濟大道之窮斯時之民仍親之與之也及其仁義又失於是有所謂智慈者竊仁義以行之則人爲自此世世世由此始矣何以前大道廢有仁義智慈出有大偽哉猶之六親不和而有孝慈國家昏亂而有忠臣當南指點而意明也六親方和孰非孝慈國家方治孰非忠臣有智少所以有孝之孝有慈少所以有忠之忠比干之忠大道廢所以有仁義其義亦若是而已而智慈更不待言矣王輔嗣曰其義之名生於大道所闕美惡同門六親父子兄弟夫婦也若六親自和國

家自治則孝慈忠臣不知其所在矣魚相忘於江湖之道則相濡之德生也吳章曰大道廢而後有仁義則其變難和緩智慈出而適有大偽則其變爲其禍四者之分與邪子所言皇帝王伯率賢才術之等略相似

十九章

絕仁棄義民復孝慈絕聖棄智民利百倍絕巧棄利盜賊無有此三者以爲文不足故令有所謂見素抱樸少私寡欲

此章承上章而言欲棄末而返本去文而尚質應幾乎無爲之治也聖智即上章聖智也巧利即上章大偽也絕聖棄智仁義以反於宗之大道則民復其初子孝於父父慈於子如淳古之時矣絕聖棄智聖智以反於宗之仁義則民利其利比於王之時相去百倍矣絕聖棄智巧利以反於王之聖智則雖未及帝之時而思慮遠致教修明亦無有爲盜賊者矣愚竊附著也仁義聖智巧利三者由世變日趨於文故有此名去古始之道已遠矣文不足以治天下蓋返而附屬於質乎質者何索也悖也見素抱樸者本於少私寡欲民見其見素抱樸上不以文欺物又見其少私寡欲民亦不敢以文自欺則斯世返於淳古之道矣所謂我無爲而民自化我好靜而民自正我無事而民自富我無欲而民自樸也亦何貴乎仁義聖智巧利之文哉

老子約卷二

愚竊僕曰素未受采樸未斷器此所謂性之初也質也夫素於性之初雖有身而質無身其有私焉寡矣有其心而質無心其有欲焉寡矣然則見素抱樸乃聖智仁義之精也爲用文之蓋老子絕之於彼正欲其歸之於此學者不察其意而但知其絕而棄之猶云老子之論薄而不法也斯所謂不得於言者乎按此章惟吳章註釋高超獨得老子之旨諸注所不及也愚竊僕曰此章之必如此解乃知此篇非老子過激之論不然如莊子所云聖人不死大盜不止是何言哉蘇子由曰孔子以仁義絕棄治天下老子絕而棄之或者以爲不同易曰形而上者謂之道形而下者謂之器孔子之虛後世也深故斥人以器而晦其道使中人以下守其器不爲道之所眩以不失爲君子而中人以下自是以上述也老子則不然志於明道而益於開人心故斥人以道而得於器以爲學者惟器之知則道隱矣故絕仁棄義禮樂以明道夫道不可言可當其似者也違者則似以識其面昧者執假以陷於僞故後世執老子之言以亂天下者有之

而學孔子者無大過因老子之言以達道者不少而求之於孔子者常苦其無從入二
思人名皆不得已也全於此必略於彼矣

二十章

絕學無憂唯之與阿相去幾何吾之與惡相去何若人之所畏不可不畏况今其未央哉
衆人熙熙如享太牢如登春臺我獨泊兮其未兆如嬰兒之未孩衆人皆若無所歸衆人
皆有餘而我獨若遺我愚人之心也哉沌沌兮俗人昭昭我獨昏昏俗人察察我獨悶悶
兮今其若海晦兮若無止衆人皆有以而我獨頑且鄙我獨異於人而貴食母

此章言有道者之異乎衆人也世俗之所學我則絕之世俗之所畏我則無之使我之
見識同乎世俗則唯之與阿相去幾何吾之與惡相去何若哉特人之所畏吾亦畏之
人之所爲吾亦爲之納身於軌軌之中則分於非倫之內不與人異也特不以流俗之
憂爲憂流俗之樂爲樂耳流俗之樂如何則皆荒兮其樂未央也日馳逐於身外之物
其快如登春臺其美如享太牢其明昭昭其智察察幸他人之不我若懼他人之爲我
先付不知察其兌閉其門也惟有有道者泊然而靜欲未開如嬰兒未孩孩笑之時一

老子約

卷二

三

若不知外物之可樂也人皆尚貴而好名人皆貴難得之貨而好利我則樂與若無
所歸雖寄寓於物而不著於物也衆人之於富貴皆愛其有餘而我獨超然其若遺也
於是衆人皆笑我爲愚人也我豈愚人之心也哉惟純純兮心專向乎道而不雜乎
其若海晦兮若無止則道而求之見也愚人也俗人昭昭我獨昏昏俗人察察我獨悶
悶於是名利之俗人皆以我爲愚人俗人逐物役智皆有所以而我獨若遺於是智巧
之俗人又以我爲頑且鄙之人此無他衆人皆發其子而我獨貴食母也遂於名利以
爲樂發其子者也玄德者萬物之母而道又德之母味道德而自發貴發母者也我何
至與俗人同哉

馬氏曰性無餘欠有餘皆分外也享太牢登春臺則所得皆分外故曰衆人皆有餘
吳章曰玄德者萬物實之以發故曰食母食母二字見禮記內則篇曰乳母也司馬
氏曰乳哺光和呂吉甫曰夫老子神矣何所事養而與衆人俗人爲異而已欲使爲道
者知如此而後可以至於道故也

二十一章

老子約

孔德之容惟道是從道之爲物惟恍惟惚今恍兮其中有象恍兮其中有物窈兮
冥兮其中有精其精其真其中有信自古及今其名不去以閱衆甫吾何以知衆甫之狀
哉以此

此章言德從道出而形容道體之妙也道無形而德有容十五章微妙通達爲之容
及前章泊兮其未兆以下皆孔德之容也萬物始於無無即道也道即無也德由道中
出其可容者物生以後之形其不可容者物生以前之氣不過似有似無恍惚窈冥之
中以爲其中有物有象而已惟道之至人乃知恍惚窈冥之中其中有精其精者即
得道之一面不離微妙玄通之謂也且其精其真其中有信其信者即精也信即真也
今渙分致分致今渙分渙分渙分之謂也衆甫有也天地萬物皆自道出衆甫自問乎
古今而道則無今無古故自古及今其名不去以閱乎衆甫之生滅也是可道之常道
可名之常名也吾乃知衆甫之自無而有復自有而無衆甫有即衆甫妙其爲恍惚窈冥也
亦如是而已

李思賢曰於恍惚之中有象於恍惚之中有物於窈冥之中有精則無中無不有也有

老子約

卷二

四

中之有象皆以爲有不知有本不實有中反無無中之有人所不知而初不知無中反
有道有中之有有之爲者也唯無中之有然後爲有中之真唯其真而不假故不以有
而存不以有而亡是有道有德而曰恍惚便是物非恍惚之中更別有物經云無狀之
狀無物之象是謂恍惚是也動冥便是精非動冥之中更別有精經云云動冥莫測
是眞精是也

二十二章

曲則全枉則直則直則新少則得多則惑是以聖人抱一爲天下式不自見故明不
自是故功不自伐故有功不自矜故長夫唯不爭故天下莫能與之爭古之所謂曲則全
者豈虛言哉誠全而歸之

此章言聖人抱自然之道冲虛之德爲天下式也以抱一爲天下式一句爲綱古語有
曲則全枉則直則直則新數言是可以悟惟少可得多則惑矣曲一偏也由偏可
以得全故曲則全枉不直也尺蠖之屈所以求伸故枉則直直能受水故敵敵必改作
故新是可惜少則積而能多則樂而生惑矣道一而已得一則無所不得多學則無

以一面反感焉一至少也抱一可以爲天下式則所得多矣一者何道也抱此自然之道以行此冲虛之德也不自見者用晦而明不自是者闇然日彰獨之不自功者人必推其功不自長者人必以爲長也夫不自伐不自矜是能不爭者後其身而身先故天下莫能與之爭是皆曲全之道也古之所聞曲則全者豈虛爲此言而無其實哉內以全身外以全物物我皆全其得大矣誠全而歸之也

王輔嗣曰自然之道亦猶樹也轉多轉遠其根轉少轉得其本多則遠其真故曰惑也少則得其本故曰得也呂市子曰得一則無我無我則不爭王船山曰事物之數有來有往進其來不如要其往追其往不如俟其來大道在中如捕亡子而喪家珍終然介焉以幾終日而不遇則多之爲惑久矣一日冲冲曰常守常用冲養曲爲全明於往來之大數也

二十三號

希言自然故。飄風不終朝。驟雨不終日。孰為此者。天地。天地尚不能久。而況於人乎。故聖人
事於道者。道者同於道。德者同於德。失者同於失。同於道者。道亦樂得之。同於德者。德亦

雖得之同於失者失亦樂失之則不足焉有不甘焉

此來明白自然之道合乎玄同也禮之不聞名曰希希即道之所在也聖人行不言之教是以希言天不言之教亦因乎自然而已天地之狂風急雨不能終朝終日天地反乎自然之常習不能久況於人而可反夫自然乎故唯從事於道者必先能無我而後可以自然無我則道者德者觀之同我固無待言至於失者彼既以爲是我亦不必直言以非之而一觀同仁是所謂和其光同其塵也夫道者德者因我同之固相得而益彰即彼失於德者因我同之亦不敢自驕自棄回心向道凡此玄同之義即不言之教亦即自然之道也使其信不足於是乎有道有德有失不能玄同人因我之不同亦有不倡我者矣

仙則侯曰或曰當初嚴曾非因緣非自然而老氏以自然爲宗有以異乎余曰無以異也夫所遷矣自然者有所自而自有所然而然也有所自而自有所然而然則是自然也在有物之上出非物之下是釋氏之所謂也老聃明自然矣獨不曰無名天下之始乎知無名則其自也無自其然也無然其自無自其然無然而因若緣焉能聞之故曰

精覺妙明。匪因非緣。非自然。非不自然。薩一切相。卽一切法。蓋所謂不可道之常道。如此。豫按。弱侯筆乘。此論亦墮經理。

二十四

企者不立跲者不行自見者不明自是者不彰自伐者無功自矜者不長其在道也曰餘食贅行物或惡之故有道者不處

此章戒人於自然之道外有心求益也。歧立者歧其國而立增高其身踐行者謂其足而行增闊其步飲食期飽而已有餘則病四體適完而已有贅則累凡此歧立踣行餘食贅行皆於自然之外有所增益也。自見者不明四語即上二十二章四語之反。謂資自見者終不能明自足者終不能彰自伐者終無其功自矜者終無所長因其失自自然之道志在求益而先有自心也夫失其自然成爲餘食贅行物且惡之而況有道者乎司馬溫公曰棄餘之食適使人厭附贅之形適使人醜薛君采曰行當作形古字通也呂吉甫曰夫道處衆人之所惡而曰物或惡之故有道者不處何也蓋卑虛柔弱者衆人之所惡而去之者也故有道者處之見是若伐者衆人之所好而爭之者也是以不

處則或處或不處其爲不爭一也

二千五

有物渾成先天地生寂兮寥兮獨立而不改周行而不殆可以爲天下母吾不知其名字之曰道強爲之名曰大大曰道道曰遠遠曰反故道大天天大地大主亦大域中有四大而王居其一爲人法地法天法天法道道法自然

此章言道法自然所以爲天下母也。二十一章言恍兮惚兮其中有物是何物乎。曰道也。混成謂不分判而完全也。是爲天地根。百宗所謂天地之始。四京所謂象帝之先。皆是道。固先天而生物。交紉兮無聲。寧兮無形。是乃無也。獨立無匹。而未嘗變行於陸。有而未嘗殆盡。天地萬物皆從無而生。可以爲天下母也。道本無名。以其爲天地萬物之所共由。乃假借道路之道以爲之字。又以爲天地萬物之莫能加也。故強名之曰大。然道以無爲體。而大未嘗見。故大曰逝。道以無爲爲用。而無所不周。故逝曰遠。萬有皆從道。道皆無與。有相反。故道曰反。下篇曰反者道之動。可見天下萬物生於有。有生於無。道之大。洵莫與京矣。知道之本於無。俾知宇宙間萬事萬理之本原。以立故天地。

與王皆當法道即法此以無爲體以無爲爲用之道也而道之所以大以其自然故曰法自然自然者無有無名是也

鳩摩羅什曰妙理常存故曰有物萬道不能分故曰混成鍾會曰廓然無偶曰獨立古今常一曰不改無所不在曰周行所存皆通曰不殆太平光師曰孤運無住曰道近極絕持曰遠即近而彌遠即遠而彌近曰反三才法道末不離本自然即道也道之註名表重玄之極則也呂吉甫曰道則自本自根未有天地自古以固存而以無法爲法者也無法也者自然而已故曰道法自然

二十六章

重爲輕根靜爲躁君是以聖人終日行不離輻重雖有榮觀燕處超然奈何萬乘之主而以身輕天下則失本據則失君

此章言學道者當知重與靜之理也重爲輕之本靜爲躁之主故君子終日乘輻車而行不敢離輻重之車雖有榮華之盛觀必有燕處之靜至凡以見輕之不可無重也躁之不可無靜也況乎萬乘之主任重道遠而可以其身輕動於天下之上乎吳草廬謂

老子約

七

周王之象八駿漢帝之爲微行以身輕天下者也余謂人君一日萬幾凡事之掉以輕心及無威可畏者皆是輕輕則必踰萬幾之叢陸多矣上章言域中有四大而王居其一焉其位與天地配知法道之自然則不至於輕矣知效無爲之治則不至於躁矣蓋輕則失本可以喪身躁則失主或至失位此不獨人君爲然凡人之治心治身皆然未有輕與躁者可以入道也

韓非子曰制在已曰重不離位曰靜重則能使輕靜則能使躁故曰重爲輕根靜爲躁君呂吉甫曰迫而後動感而後應不得已而後起則重矣無爲則靜矣

二十七章

善行無難隨善言無難聽善數不用籌策善閉無闕鍵而不可開善結無繩約而不可解是以聖人常善救人故無棄人常善救物故無棄物是謂明故善人者不善人之師不善人者善人之資不貴其師不愛其資雖智大迷

此章言聖人以自然體道亦以自然教人也順自然而行無車轍之迹順自然而言無繩約之可斷善數不用籌策者因物付物無成心也因物自然不設不施故不用圖畫繩

正一天師清微弟子洪百堅製

約而不可解開也此五者皆自然之用也故聖人之教人教物亦因其自然而已人之性本善也入之心本明也蔽於外物拘於一偏遂至迷其本來聖人推吾心之至明而與之以自然之道能使暗者復明如燈相傳相明而不絕可謂善教人善教物矣然聖人順其自然固以不教爲教也善人者雖不善人之師能使天下無心而就學故不愛其師不善人雖善人之資然而聖人無心而設教故不愛其資聖人非獨忘天下亦能使天下忘我故也聖人自然之妙用雖智者亦大迷而莫測是謂要妙

程俱曰善行善言善數善閉善結皆常善也唯常善也故能教人無棄人教物無棄物有爲之善其能爾乎唯無爲也故能爲人已愈有與人已愈多作相之施其能爾乎推是道以濟天下而度眾生亦何儒釋老之分哉太平光師曰病在藥存病瘳藥遺藥病雙遣人法兩忘大悟如迷方爲要妙

二十八章

知其雄守其雌爲天下牝爲天下牝常德不離復歸於嬰兒知其白守其黑爲天下式爲天下式常德不忒復歸於無極知其榮守其辱爲天下谷爲天下谷常德是足復歸於樸

老子約

卷二

八

樸散則爲器聖人用之則爲官長故大制不割

此章言聖人用冲虛之德復歸於太初之道也雖謂剛強雖謂柔弱自謂光明則剛強而柔弱者冲虛之水之精谷乘車之式皆卑下之處常德者冲虛不盈之德也嬰兒言其和也無極言其虛也樸言其實也皆指常德而言此言聖人以無師有微妙同玄之知知子之知也有運用之意守母之守也有主宰之意剛也明也實也物之末也去道遠者也柔也暗也物之本也母也去道近者也聖人能知彼而守此過天下之母在我矣其子焉往故天下歸之也嬰兒無極與樸皆以喻太初之道即常道也常樸之未散也如道之有物渾成及散之則爲所斷之器無一物不在道中也猶之聖人之未用也只抱此冲虛之德及用之則爲各官之長官無一人不在無爲之治中也抱樸以制天下行其所無事而已庖丁解牛恢恢乎其於游刃有餘地矣何事於割哉故曰大制不割

王輔嗣曰此三者言常反終後乃得其所處也下章云反者道之動也功不可取常處其母也大制者以天下之心爲心故無割也收和注曰形而上者謂之道形而下者謂

之器有形名焉有分守焉道全則大與人合而爲一器散則大與人離而爲二題求文
自包歸於樸者道之全則則分裂有二物矣故大制不割

二十九章

將欲取天下而爲之者見其不得已天下神器不可爲也爲者敗之執者失之故物或行
或隨或歛或吹或強或弱或載或附是以聖人去甚去奢去泰

此章言治天下以自然之道不可有意作爲也萬物以自然爲性可因而不可爲聖人
之有天下非取之也因其有冲虛之德萬物歸之故不得已而受之耳聖人之治天下
非爲之也因萬物有自然之性即以自然之道治之而已神器者有神守之唯神道可
以御神器無思也無爲也如有意於作爲不可爲矣蓋爲者欲其成而適以敗之爲之
執者欲其得而適以失之也物之情勢有不同或行而前或隨而後或歛而弱或吹而
強或強而壯或弱而損或任而載或弱而附凡此不同之物象若必爲之執之以反乎
自然者未見其可也但使可行可隨可載可附者不至於過而或隨或吹或載或附者
不至於不及可矣此無他以往之自然樸萬物之自然去其甚去其奢去其泰但使之

老子 卷一

九

不至於過耳何嘗爲哉而無爲之治可觀矣

司馬溫公曰爲之則傷自然執之則乖通變陸龜師曰去其甚也去其奢也去其泰不敢
爲天下先也三者聖人所以取天下也王元澤曰取者取物是甚有我爲者造作是其
有爲得君采曰聖人所聞其泰者非謂後世夸淫誇侈之事凡增有爲於易簡之外
者皆是也漢書王莽傳凡治道去其泰者其言本此而意實不同事有太過者去
之小而無害不必改作此漢人之意也物有固然不可強爲事有適當不可復過此老
子之本意也

三十章

以道佐人主者不以兵強天下其事好還師之所處荆棘生焉大軍之後必有凶年善者
果而已不敢以取強果而勿矜果而勿伐果而勿驕果而不得已果而勿強物壯則老是
謂不道不道早已

此章言治天下當用柔道無取乎剛強也前晉聖人之治慮其心獨其志專氣致柔能
爲嬰兒可知治天下者無取乎強壯也以道佐人主者不以兵強天下天道好還況於

用兵將以強天下而其禍必遠蓋殺氣之應地不能使之生天不能使之和制於生
於戰平之場四年苦於軍旅之後用兵之效亦可觀矣天下惟善者能果蓋人之果果
於強則強後而己而善者之果則果於勿伐勿矜勿伐勿矜果於不得已而後動也夫果於
勿矜勿伐勿矜不得已而後動即果於勿強也二十二章言不自伐故有功不自矜故
長夫唯不爭天下莫能與之爭雖曰果而勿強然有強之道焉凡物少則壯壯則老日
然之理也道也者貴於守柔以爲強若果而用強是謂不道不道則早已老子之意
蓋謂人以果而勿強然後與道相合之常存不怠者有合也

三十一章

夫佳兵者不祥之器物或惡之故有道者不處君子居則貴左用兵則貴右兵者不祥之

老子 卷一

十

器非君子之器不得已而用之恬淡爲上勝而不美而美之者是樂殺人夫樂殺人者不
可得志於天下矣古事尚左內事尚右偏將軍居左上將軍居右皆以表禮處之殺人衆
多以表哀泣之戰勝以表禮處之

此章承上章而言敵人之好用兵也王補嗣不注似以爲非老子之言王補嗣曰此章
自兵者不祥之器以下似古之義疏混入於經者詳其文義可見按按殺人衆多以悲
哀泣之句與六十九章抗兵相加蓋者勝矣句意似引伸言之又物或惡之二句亦見
二十四章必以爲非老子之言未敢臆斷今錄呂吉甫注於左

呂吉甫曰文視而武覆者天地之道陰陽之理也兵而作之是乃器之不祥而物之或
惡也是以有道者不處敵君子居則貴左用兵則貴右其所貴異乎平居之時則是固
以不祥之器處之而非君子器也非所以作之也必不得已而用之恬淡爲上故勝而
不美也非所以作之也天將救之以慈術之慈者天下所以樂推而不厭也則殺人者
豈其樂哉而美之則是樂殺人也樂殺人者不可得志於天下也故古事尚左內事尚
右偏將軍居左上將軍居右皆以表禮處之殺人衆多以表哀泣之戰勝以表禮處之

夫以喪禮處之則是不祥之器而不美之可知已以悲哀泣之則是不樂殺人也可知已老子之察於禮學者如此而謂老子絕滅禮學豈知其所以絕滅之意乎

三十二章

道常無名樸小天下莫能臣也侯王若能守萬物將自賓天地相合以降甘露民莫之令而自均始制有名名亦既有夫亦將知止知止可以不殆譬道之在天下猶川谷之於江海

此章首道自無而有常止於樸物自有而無復歸於道也道常即首章所謂常道無名即首章所謂無名道常無可名之時即未陳未琢之樸也似曰希曰微之小也蓋道放之則彌六合斂之不盈一握樸雖小而天下不敢臣樸之爲物以無爲心天地資之以始萬物恃之以生是之謂真君天下執得而臣之侯王能守道則抱樸無爲以真君君萬物而萬物無不歸矣轉之天地之氣相合則甘露不求而自降我能抱樸無爲則民不令而自均也始本無名所謂樸也制則裁其樸而分之遂有名矣無名天地之始是道也有名萬物之母是樸也道降爲樸名亦既有矣人當知止於樸不可再降而下

老子約

卷二

十一

也老子以道爲上樸在樸之上以仁爲下樸在樸之下故曰失道而後德失德而後仁失仁而後義失義而後禮不知至於樸而止則有心作爲勢必紛而後迷迷末而忘本而仁義禮智紛紛以名天下從此多事矣豈不殆哉知止於樸猶未遠於道所以不殆也此樸他不知止者所謂不知常妄作內能知止者所謂知其子守其母也物生以道生物滅以道滅是萬物成於樸而返於道所謂知其子守其母之樸而已樸歸江海水之宗也川谷水之宗也異源必合於宗殊名必統於道蘇子由曰江海之宗也川谷水之分也道萬物之宗也萬物道之末也皆水也故川谷歸其所鍾皆道也故萬物實其所宗

三十三章

知人者智自知者明勝人者有力自強者強知是者富依行者有忠不失其所者久死而不亡者壽

此章首無爲非一無所爲故道樸自治之力仍取乎明與強也知在外爲知在內爲明明則真理能燭炎勝在外爲力在內爲強強則克己必盡矣有自知之明則知抱樸在

正一天師清微弟子洪百堅製作

躬無待於外慕故曰知足者富富有自勝之強則能專心向道勤行而無倦故曰強行者有志老氏最重常字首章常無常有以及復命曰常知常曰明是也天下惟常則能久不失其所即易之止其所也物變無窮而吾心常止於其所故曰不失其所者久天下凡有固始終無無則無始終道本於無至人身後而道猶存故曰死而不亡者壽王輔嗣曰用其智於人未若用其智於己也用其力於人未若用其力於己也鳩摩羅什曰在生而不生曰久在死而不死曰壽陸農師曰列子之不化莊子之不死佛氏之不被與老子死而不亡同是以聖人之生也與死同謂之神聖人之死也與生同謂之壽其生其死之未與異也矣草廬曰或曰老子之道以昧爲明以弱爲強而此章言明言強何也曰老子內非不明外若昧內非不強外示弱附其昧其弱治外之藥其明其強治內之方並行而不悖也

三十四章

大道汎兮其可左右萬物恃之以生而不辭功成而不居衣被萬物而不爲主常無欲可名於小萬物歸焉而不爲主可名爲大以其終不自大故能成其大

老子約

卷二

十二

此章首道之生物出於無心也大道如水之汎濫洋溢無時不在或左或右無所不可固萬物恃之以生賴之以養依之以歸也特大道不自以爲主故功成而不居耳然道何以能如是哉以其常無欲也無欲即無心也惟其無心故一本散爲萬殊乃道之分而至小者其可名之爲小矣乎未可也萬殊合爲一本乃道之總而至大者其可名之爲大矣乎未可也蓋道本於無萬物恃之以生賴之以養而終歸於無及問成功之主入則仍無有也是所謂玄之又玄衆妙之門也則其所以能成其大者豈自大也哉王輔嗣曰爲大於其細則難於其易政和注曰覆諸乎萬物而示其宰制之功故不爲主蓋爲乎衆衆而莫能歸往之故故不知主矣夫道非大小之可名也云可名者道之及乎物者耳王船山曰誰能以生恩天地乎則誰能以死怨天地天地者與物爲往來而聊以自壽也天地且然況於道

三十五章

執大象天下往往而不害安平太樂與與適將止道之出口淡乎其無味視之不足見聽之不足聞用之不足既

此章言道之利人運於無形也四十一章曰大象無形道隱無名大象謂道也聖人欲
道以御天下而天下歸往焉然聖人無心於利物也固將以不利之蓋利之以利是有
有形之利然有利亦有不利以不利是無形之利則常利而不害所謂大利者於無形
而天下無不安無不平無不泰也有樂可以悅耳有可以適口止者過客而已此有
形之利也聖人執大象以臨民必使斯民相忘於道術皆使游宴於道之中而不自
知味無味之味視無色之色聽無聲之聲用無用之用而無爲之治成矣
林希幾曰大象者無象也天下往者執此而往行之天下也呂吉甫曰平者安之至泰
者平之至

三十六章

將欲歛之必固張之將欲弱之必固強之將欲廢之必固興之將欲奪之必固與之是謂
微明柔勝剛強勝魚不可脫於淵國之利器不可以示人

此章言道在剛柔剛柔可勝剛固引古語以明之也老子之書有用者必加
二十七章言善救人善救物而先用者言善計善用者言善結五者皆實是實也此

老子

卷二

十三

將欲歛之入句皆引古語在對魏桓子所引周書之言其意固與各神不死章
同未明言之耳將者將然之詞固者已然之詞將欲歛之必固張之云云將欲弱之
人之剛強必固處已於柔弱者人也但見其強之強之與之與之而不知其欲歛之弱之
廢之奪之也人以形言之以爲剛強之制柔弱者我以理識之而情柔弱者勝剛強也此
亦陰陽消長之理往者必反之理耳是謂微明謂精微之消息也體道者知人之不可
以勝柔弱者魚之不可脫於淵七十六章言堅強者死之徒柔弱者生之徒四十三章
言天下之至柔馳騁天下之至堅無入有間是柔弱者乃器之利者也操利器以取天下
國家豈可以示人哉

韓非子曰起事於無形而要大功於天下是謂微明處小弱而重自卑謂損弱勝強也
李思齊曰此聖人制心奪情之道是謂微明句王元澤曰鬼神之神將不能窺而況於
人蘇子由曰聖人乘理而世俗用智乘理如醫藥巧於應病用智如商賈巧於射利聖
人知剛強之不足恃故以柔弱者處天下之剛強方相相和而吾獨以柔弱者待之
及其大者傷小者死而吾不校坐待其斃此所謂勝也雖然聖人豈有意爲此以勝物

欲知道之自然而居其自然耳王純甫曰利器兵也設之者蓋微明之理聖人用之
則爲大害然道之則爲微明神國之術其害有甚於兵刃也故聖人聖之以利器云
聖人得自見其害者不知所欲見其害者不知所欲見其害者不知所欲見其害者
而可知此柔之所以能勝剛弱之所以能勝強聖人之於天下蓋亦有運之者焉而不
可以示人謂之利器者文曰開元注以爲聖人用非也聖智在所乘況權詐乎陸
氏蘇氏以爲物理有之幾矣葉氏以爲若有造物推行之以說成柔弱者勝剛強之義當
矣何謂利器蓋所謂柔弱者然徐靈胎曰暗納氣也張山氣也按此章王輔嗣注將
欲歛者去柔風云云遂令後世疑老子之言有權術之用善乎李思齊之言曰此篇
解者不謂其本多以孫吳之兵說難之此詩禮之所以發蒙也也

三十七章

道常無爲而無不爲侯王若能守萬物將自化而欲作善將領之以無名之侯無名之
侯夫亦野無德不欲以靜天下將自定

此章言明道之真諦無爲而無不爲而本於無欲也道之無爲常久而不變故曰道常

老子

卷二

十四

無爲而無不爲而無不爲然後有德有用但無爲而無不爲之意耳侯王能守此
無爲而無不爲之道則無德心於化物而萬物將自化自化則我與萬物莫非道也詩
是道自無而入有正化而欲作之時一有作爲之心則化無窮而與道失矣故必當
以無名之侯領之夫無名之侯即此無爲之道而已而無爲之道本於無欲蓋何賢則
近名貴得之貨則近利無欲則名利之心消盡矣聖人本無欲之心以行無爲之治
中無私德之念外無抱德之迷故侯全而用大蓋無爲而無不爲者治之迷也無爲而
不欲者治之心也靜者作之反化而欲作即以道領之則欲者不欲而作若皆靜矣靜
則天下之人皆無名利之心聖人雖無心於正天下而天下將自正矣
王介甫曰道之主故曰萬物將自化言道之變故曰萬物將自化萬物雖曰自化而
一空資用不失萬物從化伏邪歸正李思齊曰雖用無名之侯亦將若不欲苟有用侯
之心則精非其侯矣王純甫曰侯者終古而有器之用見侯者用極於器而止矣故
無名與有名爲偶而非能無也提其用而與有名爲偶故並去其欲

四十二章

道生一一生二二生三三生萬物萬物負陰而抱陽沖氣以爲和人之所惡唯孤寡不穀而王公以爲稱故物或損之而益或益之而損人之所教我亦教之強梁者不得其死吾將以爲教父

此章言無爲之道以弱爲用也無名天地之始則一亦未生及曰無生有乃謂之道生一也即道自無中生由冲虛之一氣也冲虛之氣生陽生陰陰陽二氣合冲虛之氣而爲三故曰一生二二生三也至於三則無所不有矣萬物抱陽一也負陰二也陰陽交而冲氣以爲和三也故曰三生萬物也陰陽不偏勝則之和人物之生皆有此冲氣而要其本則歸於道道者未有一之謂也即無也所謂冲氣者虛而不盈故以弱爲用也是故弱者損之也而道所以爲益強者益之也而道所以爲損金人銘曰強梁者不得其死好勝者必遇其敵古人嘗以此爲教而我亦教之故曰強梁者死之徒柔弱者生之徒柔強梁而用柔弱者可以謂教矣吾將以爲教父母主養父主教教者猶有名

老子約

卷三

五

萬物之母也

王弼曰一太極二陰陽三冲氣也呂吉甫曰道唯通於道者爲得一得一則無我無我不爭夫唯不爭故天下莫能與之爭反是死之徒而已

四十三章

天下之至柔馳騁天下之至堅無有入無間吾是以知無爲之有益不言之教無爲之益天下希及之

此章言無爲之道以柔爲用也承上章用弱之意而推廣之吾言天下萬物生於有有生於無亦皆夫物芸芸各歸其根根曰靜是天下之物本非物其堅者爲體也其始雖生於有而其極終歸於無也故天下之至柔可以馳騁天下之至堅至堅者物也而至柔者道也無之真可以破有之偽理固然也無間言中間無障礙之處無有入無間者無能入有理固然也試以水言之水能穿至堅之石又以氣言之氣能透入無障礙之金石磨皆柔與剛之用耳吾是以知無爲之有益也蓋無爲之道以無御有以柔制剛皆有所爲而自然而然故不言之教無爲之益天下希及之也

老子約

蘇子由曰以堅御堅不折則碎以柔御堅柔亦不勝堅亦不病求之於物則永是也以有入有而不相受以無入有無未嘗勞有未嘗費求之於物則鬼神是也是以聖人唯能無爲故能使衆衆出入聚有無窮按曰無間無內也至剛者天下莫能勝而至柔能役之無內者天下莫能破而無有能入之二語皆設喻以明無爲之有益也

四十四章

名與身孰親身與貨孰多得與亡孰病是故甚愛必大費多藏必厚亡知足不辱知止不殆可以長久

此章言道德高者遠名利也世之人多知名之可貴而不知貴其身多知利之足重而不知重其身於是患得患失不得者以亡爲病及其既得而患失則其病更有甚於亡者此所謂亡身以殉欲也不知吾身有至貴者焉天爵是也人之愛名欲以貴其身也以其愛之故並其良貴而失之是大費也吾身有至富者焉德爵是也人之愛貨欲以富其身也以多藏之故並其至富而失之是厚亡也君子則不然知至貴之在身自反而是雖欲辱之而不可得也知至富之在身得吾所止雖欲危之而不可得也知足

老子約

卷三

六

不辱知止不殆則其身可以長久矣長久即常道常德也豫晉竊論之曰名利之害人也其矣先儒謂三代下士恐不好名與孔子疾沒世而名不稱之語已未能脂合使儒修名之立不立操德依仁以爲之如孔曰成仁孟曰取義皆行其心之所安出於自然而無待勉強所謂求仁得仁殺身以成仁君子不怨是可貴也若一有好名之心則烈士殉名等於貪夫之殉財因其有殉名之心則非出於自然老子曰得與亡孰病雖殉名者君子殉名者小人所殉不同而亡其所存則一夫得名與貨而亡其所存是亡之病於得也約死留皮人死留名吾何讓焉而原於道德之意猶謂其有心而爲之而非行其心之所安況乎富貴利達顯赫一時之名而亦競相敬神以求之甚至蠅營狗苟不顧廉恥與彼持爵操算閭閻中之陋人限賤而登左右望之賤丈夫其卑汙苟賤相等夫一時之名非千古之名也一世之利非萬世之利也而爭名於朝爭利於市至於殘生傷性而不惜更期所將有如一耶之緒亦惑之甚矣是不知身之親於名也身之多於貨也老子言之以其愛必大費多藏必厚亡可謂教世之良藥矣良藥苦口利於病知足不辱知止不殆今何人說又按七章言聖人後其身而身先外其身而身存以無

私壽人也此章名與身孰親身與貨孰多以無欲壽人也七章言故若長生故能成其私此章言可以長久後世乃疑老子重視其身楊朱爲我之學原於此而不知老子之重視其身謂其身即抱道之身也身存則道存身亡則道亡其於萬物也生之畜之長之育之亭之養之覆之而惟吾身之是賴故貴以身爲天下則可以寄天下愛以身爲天下則可以託天下夫可以寄託天下之身豈與平拔一毛以利天下而不爲者所可同日語哉

蘇子曰：「先身而後名，貴身而賤貨，猶未爲忘我也。忘我者，身且不有，而況於名與貨乎？然貴以身爲天下，非忘我不能。故使天下知名之不足，親貨之不足，多而後知貴身。知貴身而後知忘我，此老子之意也。薛君采曰：『知足者樂，今有之已多，無求者也。無求者，奚辱知止者懼後進之有損知幾者也。』知幾奚始？」

四十五章

大成者缺其用不弊大盈者冲其用不窮大直若屈大巧若拙大辯若訥勝寒靜勝熱
清靜爲天下正

老子約

卷三

七

此章言無爲之清靜自正也老子言得多言相反而相爲用今夫成與缺盈與冲直與屈巧與拙辯與訥相反者也以成爲成以盈爲盈以直爲直以巧爲巧以辯爲辯此以形求者也惟道隱於無名以形求之不如以意測之大成反若缺大盈反若冲大直反若屈大巧反若拙大辯反若訥然而用之不敝且用之不窮也反者道之動是固相反而相爲用也被太陽之熾勝陰之寒陰之靜勝陽之熱亦相反而爲用耳清靜即無爲也爲天下正者爲天下君可以正天下也夫天下亦多事矣惟鎮以無名之懷則行若無事不欲以靜天下將自定故清靜爲天下正也人知清靜者之無爲而不知道常無爲而無不爲也正所謂相反而相爲用猶若缺若冲若屈若拙若訥者之爲大成大盈大直大巧大辯也

蘇子由曰夫勝能勝寒而不催勝熱解能勝熱而不能勝寒皆滯於一偏而非其正也唯泊然清靜不染於一非成非缺非盈非冲非直非屈非巧非拙非辯非訥而後無所不勝可以爲天下正矣義夢得曰苟知其所勝就往而不可爲則清勝濁靜勝動其效速亦可見矣

四十六章
天下有道卻走馬以棄天下無道戎馬生於郊禍莫大於不知足咎莫大於欲得故知足之足常足矣

此章言世人之無道由於不知足也前章知足不辱知止不殆當當世之人此章戒當
時之人君言天下有道卻走馬殺彘車以治田時無戰事也天下無道戎馬生於郊野
時多戰事也其事由於人心之不知足不知足而務欲得之得隴望蜀心無厭時則生
民之禍重時君之咎大矣蓋不知足者雖足而常覺不足則知足之足常足也不待言
矣

焦弱侯曰一牲之內無欠無餘人能安之無往不足故曰知足之足常足王船山曰禍發於方寸禍隱於無名一機之動如蟻穿而萬穀之爭如河決故有道者不爲福先而天下無禍豫按老子言知易經語多川韻吳草窗註本黃字下添車字云朱子語錄所說有之而人莫知所本且引張衡賦走馬以養車是用老子全句爲證而車郊亦叶韻云據此似以添一車字爲合

老子約

卷三

八

四十七

不出戶知天下不謁屈見天道其出彌遠其知彌少是以聖人不行而知不見而名不爲而成

此章言無爲自治之教老子之自道也道自無而生有聖人常有以觀其微故不出戶而可以知天下也常無以觀其妙故不謁闔而可以知天道也天下之理無窮而學人之道一貫世人不知體道之妙物物而求之或蔽於一偏或泥於迹象故其出剽遺其知雖少蓋其粗在物其妙在道知此道之在吾心則閉戶而求之可也聖人之體道也於恍惚窅冥中而知衆山之狀故不行而知視之不見名曰夷聽之不聞名曰希博之不得名曰微繩繩可名復歸於無物故不見而名豈特能知能名而已哉因吾心之自然以順物之自然又能不爲而成也此卽無爲之效驗也此篇皆老子自道之語與孔子生而知之安而行之不思不得不勉而中無爲而成相吻合誰謂老子非聖人乎光師曰情封卽滯理契卽神陸農師曰聖人富食而思天下之饑富衣而思天下之寒愛其親以及天下之老愛其子以及天下之幼不換出戶而天下可知矣己好生而知

天道之生萬物已成務則知天道之成四時已榮養則知天道之與善人安用惻隱而後見天道哉夫不行而能察知人情小見而能名天道不為而成至治反推身心故也

四十八章

為學日益為道日損損之又損以至於無為無為而無不為取天下常以無事及其有事不足以取天下

此章言無為之貴也為學以廣博而得故日益為道以虛無為宗故日損損之又損者如為善去惡久之不見惡且並不見善如存真去妄久之不見妄且無所為真是則天理淨發之時是非雙遣之日也是為損之又損以至於無為夫無為者即無有而已無不為者乃所以無無也一事不為故能事事無不為事事無不為而實則一事不為蓋其無為之達並去其無為之心也無事言無所事即無為也取天下常以無事言學人無為而己無心於取天下而天下歸之也若以有事取之則一物亦不可得況於取天下乎

老子約

卷三

九

開元疏曰取納變化也無事即無為也無為自化清靜自正故曰取天下常以無事為者敗之執者失之故曰有事不足以取天下黃茂材曰益者可以進損者不可強損而未幾棄忘其損未為損也直須費地脫落前後際乃至無為之地趙秉文集解曰損之在漸初損損之又損損心心迷俱忘以至無為

四十九章

聖人無常心以百姓心為心善者吾善之不善者吾亦善之德善矣信者吾信之不信者吾亦信之德信矣聖人在天下欲歛為天下下其心百姓皆注其耳目聖人皆孩之此言聖人無為之治出於無心也聖人有常道常德而無常心以百姓之心為心猶之鏡無常形以所照之形為形而已善者吾善之不善者吾亦善之善不善在彼善之善之者其心不變也可以得善矣信者吾信之不信者吾亦信之信不信在彼善之信之者其心不變也可以得信矣蓋因物付物出以無心不欲善與不善分別於吾心也不欲信與不信辨於吾心也善善而不善不善信而不信不信則不善不信亦不自棄而化為善信是人人得此善信也是所謂常善救人故無棄人也歛歛心無所主也

深與混同心無所主意無適莫故無善惡無信偽皆渾而同之聖人之於天下以無為為治而本於無心雖天下人之心萬有不同而聖人自有玄同之法故曰為天下心其心百姓方注其耳目自為視聽各相是非聖人一以嬰兒過之無所喜惡蓋以百姓之心為心即以太子之心為心也此太上治世之大旨所以能無為也歟

王輔嗣曰夫以明察物物亦競以其明應之以不情察物物亦競以其不情應之夫天下之心不必同其所應不取異則莫其情矣甚矣德之大也莫大於用其明矣又曰若乃多其法網煩其刑罰察其邪路攻其幽宅則萬物失其自性百姓喪其手足鳥亂於上魚亂於下是以聖人之於天下欲欲然心無所主也為天下心為意無適莫也無所察焉百姓何避無所求焉百姓何應則莫不用其情矣李息齋曰其矣心之為天下害也莊子云賊莫大於德有心而心有眼蓋心之為物滑天亂地而地無道不至而世人但以分別為心分別心生妄有所見遂喪其金此莊子所謂之賊也聖人之心常與道俱道無所不在吾心亦無所不在故無常心及其出而應世知其相從於妄故取捨之心未嘗生也王船山曰嗚呼天下之有目而注者多矣與之為目者則

老子約

卷三

十

亦注之聖人不為目而天下自此孩矣

五十章

出生入死之徒十有三死之徒十有三人之生動之死地亦十有三夫何故以其生之厚盛聞善生者雖行不遇兇虎入軍不被甲兵兇無所投其角虎無所措其爪兵無所容其刃夫何故以其無死地

此章言聖人明於生死之故順其自然也自無而見於有曰出則生自有而歸於無曰入則死聖人觀於有無之道則知生死之理矣生之徒十有三由生而得生非不爭而生也死之徒十有三由死而得死非不幸而死也人之生動之死地亦十有三動作為也何所作為欲全其生而乃之死地也上中下三等之人大率分為十類有三者十類之中有三類也厚則用心太厚生者求以生其生而有所作為反以趨於死地者因其求生之心太厚而不能順乎自然也如攝政攝官之類則何為攝攝也攝攝生者知其身自無而有則必自有而無不遇有為管攝不必矜心作意斤斤然厚生為事惟以虛靜為體柔弱者用見柔弱者少私寡欲則行不避兇虎入軍不避甲兵兇

無所投其角虎無所措其爪兵無所容其刃夫何故以其無死地為蓋服其自凡事皆出以無心也夫虎豹甲兵之能傷人者以吾有身耳無為者先能無心無心者自能無身已不覺生地之存亦安有死地之現哉

韓非子曰聖人之遊世也無害人之心無害人之心則無人害無害人害則不備人故曰陸行不遇兇虎入山不恃備以救害故曰入軍不備甲兵遠諸害故曰咒無所投其角虎無所措其爪兵無所容其刃不設備而必無害天地之道理也體天地之道故曰無死地焉動無死地而謂之壽攝生矣政和注曰與死生為徒者故未免夫貪生而背理忘生而徇利凡民之生動之死地則其生也與死矣擇蘇子由曰生死之道以十言之三者各居其三矣豈非生死之道九而不生死之道一而已乎不生不死則易所謂寂然不動者也老子言其九不肖其一使人自得之以寄無思無為之妙也朱文公曰人所以自生而趨死者以其生之厚耳聲色臭味居處奉養權勢利欲皆所以生之者惟於此太厚所以物得而厚之壽攝生者遠離此累則無死地矣

五十一章

老子約卷三

十一

道生之德畜之勢成之是以萬物莫不尊道而貴德道之尊也貴夫莫之命而常自然故道生之德畜之長之育之亭之養之覆之生而不有為而不恃長而不宰是謂玄德

此言道德以自然生長萬物故無為之治萬物無不自然也有名萬物之母是萬物之所由生者道也而其所以畜者德也物生而後畜畜而後形形而後成故道德不能自形因物而形物不能自成因勢而成於是剛柔強弱幼壯老死皆勢之所必然而世界之興亡治亂亦皆有其迹矣雖然形勢未也道德本也雖至極亂之世凶強之夫既已負德抱陽成爲人物莫不尊道而貴德且其尊之貴之也皆出於自然而不待詔命之勉強之強道德之尊貴本莫之命而常自然也惟其自然故其施於物也無心於物而萬物自然而生自然而生以及長育成熟養之覆之莫非自然者生而不有物雖爲有道仍是無也爲而不恃即功成而不居也長而不宰即萬物歸焉而不爲主也斯所謂無爲而無不爲也洵非尋常之德所能矣是謂玄德

光師曰道者特宰則道外有物非玄德也陸希聲曰就德曉章言人同於道德此章言

正一天師清微弟子洪百堅製作

道德同於人是以其辭同而其理通也又曰案其精謂之生含其氣謂之畜遂其形謂之長字其材謂之育攝其成謂之亭量其用謂之養保其和謂之養護其根謂之覆

五十二章

天地有始以爲天下母既得其母以知其子既知其子復守其母沒身不殆矣其父固其門終身不殆開其兌濟其事終身不致見小曰明守柔曰強用其光復歸其明無遺身殃是爲復常

上章言道德之在萬物者此章言道德之在人一身者皆學道者所當知也天地有始以爲天下母母無名天地之始有名萬物之母也天下之物皆從道生故道爲物母物爲道子而世之棄物以求道者猶之棄子以求母未有能得者也使人知物即道子即母既知之復能守之則左右逢其源而沒身可以不殆矣兌口也人之有口家之有門物之所從出入者心也而交於物物入而後我心其始也開其兌以趨所悅其然也濟其事以縱所欲其終也心落精衰隨物而喪我之心直爲物之逆旅終身陷溺而不能救矣惟能閉而塞之則氣專於內神不外散自然子與母不離道與物爲一焉蓋究其

老子約卷三

十二

兌閉其門非絕物也以神應物雖小必謹知小之將大而閉塞之可謂明矣故曰見小曰明守其柔道不辱使其氣以資強則日進於強矣故曰守柔曰強和光同塵能用其光矣精而於中神清而氣強此心其然知子守母故曰復歸其明當即本明自明出能持藏常光之用以復歸常明之體是謂復常如此則無遺身殃矣

五十三章

政和注曰明者光之體光者明之用呂吉甫曰夫惟守其母者每見其心於動之微則寂然不動矣寂然不動感而遂通天下之故故曰見小曰明守無形之至柔而物莫之能勝也故曰守柔曰強既用其光以照其動之微復歸其明以反於寂然也

使我介然有知行於大道唯施是畏大道甚夷而民好徑朝其除田其蕪倉其虛服文綵帶利劍飲食財貨有餘是謂喪乎非道也哉

此章言衆人不知修道之要遂於外物而道失也知即智字介然有知猶言微有智識也將微行大道於天下乃備智以炫才惟虛爲之可畏也大道猶乎衝夷平而無險阻被舍正路而好從邪徑者徒自誇智術矣有施爲以塞大道之中而已是以除治其朝

其宮室惟外之夷耳其燕則茅茨此心也合其虛則中無所有也猶且服文綵帶
利劍厭飲食至美於衣服傲食自誇其富強不知財貨有餘皆儲來之物也凡物不以
其道得之則皆邪也邪即盜也等者五弊之長也大盜作則小盜隨大盜唱則小盜和
勢必上下交征利而國為盜國矣豈有正路之可出哉嗚呼今人之日夕經營舍正
路而弗山欲財貨之有餘也老子目之為盜乎可不念哉莊子所謂竊國竊鉤是小盜
之效大盜也欲消盜之源者當知所先務矣諸本多作道字韓非子作道字
韓法師曰有所知則有所不知知則無知故無所不知小知大知之賊也呂吉甫曰大
道之為體不知而知則夷之其者也而民乃欲以有知求之是好徑而不知所由也蘇
子山曰俗人昭昭我獨昏昏俗人察察我獨悶悶豈復修末末本以施設為事乎以海
盜說

五十四章

善建者不拔善抱者不脫子孫以祭祀不輟修之於身其德乃真修之於家其德乃餘修
之於鄉其德乃長修之於邦其德乃豐修之於天下其德乃普故以身觀身以家觀家以

老子約 卷三

十三

鄉親鄉以邦親邦以天下親天下吾何以知天下然說以此

此章言無為之用修德於身推之於家因天下而德本無為也夫天下之物豈有建而
不拔抱而不脫者乎唯有道者建之以常無有則善建而不拔矣哉善抱一能無離
則善抱而不脫矣善建善抱如是則可以傳之無窮子孫所由祭祀不輟也夫善建善
抱者果何道哉修德於身而已矣修德於身即全吾常道之真也身外皆長物夫
豈有所為而為哉德在一身乃可推其餘以及外家也鄉也邦也天下也亦使人各
修其德不言之教本身作則我無為而民自化我無欲而民自樸矣莊周以為道之真
以治身其緒餘以為國家其土宜以治天下其說蓋出於此夫修之吾身即以返吾道
德之真所謂以身觀身也人人修其德而天下治平則以家觀家以鄉觀鄉以邦觀邦
以天下觀天下亦若是而已矣吾何以知天下之然說以此言亦以身知之也所謂不
出戶知天下也

韓非子曰恬淡有適舍之義不安知禍福之計而今也玩好變之外物引之引之而往
故曰拔至聖人不然一建其德舍雖見所好之物不能引不能引之謂不拔一於其情

老子約

雖有可欲之類神不為動神不為動之謂不脫為人子孫者觀此道以守宗廟宗廟不
滅之謂祭祀不絕身以積精為德家以資財為德鄉國天下皆以民為德今治身而外
物不能脫其精神故曰修之身其德乃真吳章曰邵子云以道觀道以性觀性以心
觀心以身觀身以物觀物雖欲相傷其可得乎邵子所言蓋亦老子之意

五十五章

含德之厚比於赤子毒蟲不螫猛獸不據攫鳥不搏骨弱筋柔而指固未知壯壯之合而
緣作精之至也終日號而不知和之至也知和曰常知常曰明益生曰祥心使氣曰強物
壯則老謂之不道不道早已

此章言道家修養之要也有能含至厚之德於內如赤子者乎赤子無知無欲而無
情此無為之真境也夫無知無欲而無情是無心也無心者其天全故無物以損其
全或謂醉人不畏虎虎亦不食醉人以其天全也竹崩筋柔而指固形未充者氣自專
未知壯壯之合而作緣作未感者氣自應可謂精矣然而精有餘而無心也故說文
云赤子陰也終日號而不知和而氣不傷也可謂和矣然必心不動而後氣能和

老子約 卷三

十四

嗚呼斯人也如赤子之形全精復與天為一則必能充其冲和之氣而應物不窮矣
老子之道最重常字人能知此冲和之理凡事皆順其自然而後能常久也人能知此
常久之道則能不嫩不昧得本以應萬物也故知和曰常知常曰明知常則常因其自
然而不益生益生則天也知常則心宜無有不至使氣使氣則強也強梁者死之徒矣
故致虛而守柔者道也不能專氣致柔則心使氣而為強強則壯壯則老老則謂之
不道不道早已宜矣老子言道德多以嬰兒況之如云專氣致柔能嬰兒乎常德不離
復歸於嬰兒及此章是也

蘇子山曰人之所以有形容者由其有心也故有心而後有形容而後有敵敵立而傷
之者至矣無心之人物無與敵者而身由傷之夫赤子所以至此者唯無心也

五十六章

知者不言言者不知塞其兌閉其門挫其銳解其紛和其光同其塵是謂玄同故不可得
而親不可得而疏不可得而利不可得而害不可得而貴不可得而賤故為天下貴
此章言已成玄同之道者之可貴也夫玄同之道不能執途人而語之也故知之者不

三一五六三

言人人所言之道又非我玄同之道故言者不知蓋玄同之道無迹象之可言言者述之至顯也得道者忘言安得忘言之人而與之言哉索父二句已見五十二章機鏡四句已見四章能察兌閉門則有約之牽引起之於外能持銳解紛和光同塵則無心之妙用應之於內此則默而成之之道亦即玄同之道也凡人之於世可得而親則可得而疏可得而利則可得而害可得而貴則可得而賤以其貴在物而物能疏之害之賤之也貴而在我則物不可得而疏之害之賤之也此玄同之道故能為天下貴然最君平曰五味在口五音在耳如甘非甘如苦非苦如商非商如羽非羽而牙師曠能別之其所以別之者口不能嘗也管絃何謂說妙道乎光師曰知者不言言者不知實忘言者不知曰聖未嘗說言說乎體道絕待不得所同之迹曰玄同司馬溫公曰鋒角猛禽道所惡也事為煩擾道所鄙也塵累顯赫道所收也汗辱卑下道所貴也陳蔡間曰至人與天同心而無知與道同身而無體則進銳紛亂之心於何而有光塵分別之意於何而生哉

老子約 卷三

十五

以正治國以奇用兵以無事取天下者何以知其然哉以此天下多忌諱而民多猜忌利器國家滋昏人多技巧奇物滋起法令滋彰盜賊多有故聖人云我無為而民自化我好靜而民自正我無事而民自富我無知而民自樸

此章因當時之亂而慨想無為之治也老子之時周末文勝政昏於上民貧於下兵爭不息盜賊衆多因慨然曰治國以正不以奇用兵以奇不以正各有其宜也若云取天下者信以無事由天下之本無事也及其有事不足以取天下也夫不出於無為而至於有事於是我以政齊民忘諱甚多防禁嚴密民不能安居樂業而趨於貧矣我以利示民民亦爭趨於利利和器而趨於上下相蒙而國家滋昏矣我以巧示民民亦爭趨於巧舍本逐末爭能競利而奇物滋起矣我以法治民而趨於利者未能遵範圍以就法之中趨於巧者又必違教詐以違法之外法令愈多而盜賊愈衆矣則易若取法於聖人說古之聖人云我無為而民自化我好靜而民自正我無事而民自富我無欲而民自樸夫好靜無欲皆無事也無事即無為也既已無為無事本無心於天下之歸而民自然化自然而正自然而富自然而樸其效如此是以取天下而有餘也此章

正一天師清微弟子洪百堅製作

以正治國以奇治兵是隨觀聽勿認作誦吳之兵書
王船山曰多動多事者曰治者物之當然而用兵者我之不得已也方與天下共居其安平之富而曰不得已已誰貽之哉故無名無器無利無巧無巧則法無所賦故欲弭兵者先去治

五十八章

其政悶悶其民淳淳其政察察其民缺缺今禍之所由起禍之所伏孰知其極其無正邪正復為奇奇復為微人之迷也其日固久矣是以聖人方面不割廣而不趨直而不肆光而不耀

此章言無為之治能使民反樸而還淳也以悶悶之政人以為無所作而民不治矣而乃得淳淳之民以察察之政人以為有所作為而民治矣而乃得缺缺之民此其故可深長思矣以無事取天下故其政悶悶悶者反乎察察以為明也淳淳謂不同於缺缺缺謂不全於樸也試以禍福言之人之求福者欲免禍也然禍福倚於福之旁禍伏於福之中又孰能知禍福之所究極又如以正治國以奇治兵人孰不謂治國者

老子約 卷三

十六

不當以正而正其無正邪而不知正可復化而為奇奇之變可復化而為微試嘗思於理數之交而嘆禍福正奇微之莫定乃知人之迷惑也為日亦已久矣惟聖人沌沌兮俗人察察我獨悶悶故為政亦悶悶因民為政不以察察為明而其民亦淳淳而臻於無為之治焉彼俗人昧於取天下以無事之理亦猶迷於禍福奇正微之變化無定今乃可曉然於其故矣又就無事二字設譬言之不以方面割物所謂大方無隅也不以廣而傷物所謂不割者吾亦善之也直而不肆故能曲全而枉也光而不耀故能用其光復歸其明也此無他取此以明而去彼察察故也是所謂無事也姑舉此數事而無為之治可識矣

韓非子曰人莫不欲富貴全壽而未能免於貧賤死夭之禍也心欲富貴全壽而今貧賤死夭則不能至於其所欲至也凡失其所欲之路而妄行者之謂迷迷則不能至於其所欲至矣今衆人之不能至於其所欲至故曰迷衆人之所不能至於其所欲至也自天地之剖判以至於今故曰人之迷也其日故以久矣政和莊曰方者介於物度者於於自微直而肆則度物之態生光而耀則揚行之患至知而不用其能者其惟聖

五十九章

治人者天莫若壽夫唯壽是謂早服早服則之重積德重積德則無不克無不克則莫知其極莫知其極可以有國有國之可以長久是謂深根固抵長生久視之道也
此章言道之能久者由於德也治人者常用入之道事天當合天之道道之積於厥躬非精神與氣無以運之故曰治人者天莫如壽壽者入而不出有而不損也壽於精神則神足於精神則氣足氣足則德之得其要其於道也早復其初矣易曰復其見天地之心乎德者玄德也德早服則重積而自富柔弱者可以勝剛強其於天下之物無不克也無不克則因物以見道體道以生物生生不窮玄之又玄莫如其所終極矣就其無不克者言之是以無事取天下可以有國也不名爲教父而名爲食母者因其爲有國之母可以長久有名萬物之母道故如是也其莫如其極也言之則氣爲形母精爲氣母修養有道則神不外散如木有根深根固則滋養精神者生之根而全其長生久視之道也

老子約

卷三

十七

韓非子曰衆人之用神也躁躁則多費多費之謂修聖人之用神也靜靜則少費少費之謂養德之爲術也生於道理夫能養德也是從於道而服於理也衆人離於忠陷於禍猶未知退而不服從道理聖人雖未見禍患之形虛無服從於道理以稱早服故曰夫謂者是以早服知治人者其思慮靜知事天者其孔竅虛思慮靜故德不去孔竅虛則和氣日入故曰重積德又曰夫能有其國保其身者必且體道體道則其智深其智深則其合道其合道衆人莫能見其所極不見事極者爲保其身有其國故曰莫知其極莫知其極則可以有國宋文公曰早服者言能得則不遠而復也重積德者先已有所積復容以善是又加積之也如修養者此身未有所損失而又加以善養是謂早服而重積者待其已損而後養則養之方足以補其所損不得謂之重積矣所以貴早服早服者覺其未損而養之也與章章曰國以喻人之身言於用氣則虧者全養者盡而早得以反還其初所得之神氣氣充則則能防外物無有耗損損傷者之氣無終窮則能保有其身而形長留於世矣

六十章

老子約

治大國若烹小鮮以道從天下其鬼不神非其鬼不神其神不傷人非其神不傷人聖人亦不傷人夫兩不相傷故德交歸焉

此章言自然無爲之道民與鬼神皆安於自然也治大國者毋擾民之氣擾則民亂小鮮者毋擾魚之形擾則魚爛治大國如烹小鮮期各安於自然而已故其國雖大其主靜靜則氣治動則氣傷也鬼神者二氣之良能充塞於兩間天地有鬼神操治亂於無形者心有鬼神操生死於無形殺機一動而生德乾坤爲然而不靜天下之氣傷矣鬼神傷之實人心傷之證鬼神之爲物靜則無動則有惟聖人持無爲之道以養天下因物附物順應自然外無所煩內無所擾無喜怒以干天地之和故陰陽和而萬物不傷生不夭鬼神之在天下亦無以見其靈而神爲非鬼神之不傷人乃聖人之不傷人也蓋聖人較管輅抱一而不離其神靜而氣不動聖人能不傷人神亦不能爲人之傷是兩不相傷也兩不相傷則德交歸焉非聖人之自然無爲易克臻此

老子約

卷三

十八

則無德鬼不衆人則魂魄不去魂魄不去則精神不亂精神不亂之謂有德上德者積而鬼不亂其精神則德藏在於民矣故曰兩不相傷則德交歸焉其德上下交盛而俱歸於民也王輔嗣曰神不害自然也物守自然則神無所加神無所加不知神之爲神也

六十一章

大國者下流天下之交天下之牝牡常以靜勝壯以靜爲下故大國以下小國則取小國小國以下大國則取大國故或下以取或下而取大國不過欲兼畜小國不過欲入事人夫兩者各得其所欲大者宜爲下

此章言自然無爲之道貴乎謙下也今夫江海之所以爲百谷王者以其居下流也夫國能爲天下所歸會者亦以其居下流也此之所以能勝壯者亦以其靜而能爲下也三者皆設譬言之大國不恃其勢強處以下小國則小國樂附矣小國甘處於卑安靜以下大國則大國見容矣或下以取是大國之欲兼畜小國也或下而取是小國之欲入事人也如此則大小各得其所欲矣然大國居小國之上也恐其不能下人特申

言曰大者宜爲下然則斯道也爲萬物之母有國之母固居乎物之上也然而道之大者則常以靜而居下是可察譬而明之也
黃茂村曰此一篇全是借物明道林希逸曰大國不過欲兼畜乎人小國不過欲入事乎人二者皆非自下不可惟能自下則兩者皆得其欲然則知道之大者當以謙下爲宜矣此句乃一章之結語其意但謂強者須能弱者須能無始爲知道一書之意往往如此解者多以其說處處作真實說以故失之矣章皇曰章首下流之喻以喻大國非在人下而能下者此壯之喻以喻小國素在人下而能下者

六十二章

道者萬物之與善人之寶不善人之所保美言可以市尊行可以加人人之不善何棄之有故立天子置三公雖有拱璧以先驅馬不如坐進此道古之所以貴此道者何曰求以得者罪以免耶故爲天下貴

此章言無爲之道爲天下貴也與至之西南開尊者所居故室以與爲貴道者萬物之最貴者也善人得而有之如被褐懷玉非其寶耶不善人知其不善至於此而玄同焉望善人引我於善非其所保耶夫美言可以市一時之名尊行可以加衆人之上此二句陪襯言之言行皆可於道說大道尊無以尚善人之寶之也宜矣常善救人固無棄人大道如天之無不覆地之無不載非特美言尊行之比也人之不善何棄之有洵乎不善人之所保矣故立天子置三公雖有拱璧以先驅馬不過以幣之重明其禮之隆耳然雖馬非寶也不如坐進此道之可寶也古之所以貴此道者何故豈不曰求則得

之所以爲善人之所寶乎有罪以免所以爲不善人之所保乎然則人患不求道不知道耳求則可以至於善而不幸而惡知此道亦可免罪道之所以爲天下貴也夫棄惡得曰夫道之愚未有求道而不得一聞焉雖向所寶以爲罪者可以一洗皆空則道之爲貴果在此不在彼也王陽山曰天子三公之爲貴拱璧驅馬之爲文豈道也哉時有所求終不懷寶以自封或欲免罪終不失保以孤立天下皆同乎道而孰能曉之

六十三章

爲無爲事無事味無味大小多少相怨以復同難於其易爲大於其難天下難事必作於易天下大事必作於細是以聖人終不爲大故能成其大夫輕諾必寡信多易必多難是以聖人猶難之故終無難矣

此章言人無爲之道於大小多少思怨皆以玄同處之也上章言道者萬物之與以其爲無爲也爲無爲者亦猶事無事味無味也取天下者以無事非所謂事無事乎道之出口淡然無味非所謂味無味乎故大小多少者物之形而混同乎大小多少者道之

正一天師清微弟子洪百堅製作

心夫大小多少尚混同而一之更何有思怨設施之可言哉故有時難怨以德不知其爲施也不知其爲怨也不知其爲德也因物付物出於無心而它已即無爲無事無味也世之人每畏大而侮小難多而易少而聖人則爲大於其易同難於其細誠以天下之難事必作於易天下之大事必作於細我雖無作爲之心而苟有所作則必先於易與細同之故聖人雖曰齊大小一多少而無所不畏無所不難然無爲之道究出於無心但不以世俗之所謂大者分其心耳故難者大者當處寂然了無留礙而大道自此成矣惟其無心於事故未嘗先事而期於物豈若世之小夫事未爲而先諸事至而多易輕諾則必寡信多易則必多難聖人於事未至則常若難之非難之也不以我必於物故若難之惟其難之故終無難

韓非子曰有形之類大必起於小行久之物族必起於少故曰天下之難事必作於易天下之大事必作於細是以欲制物者於其細也故曰同難於其易也爲大於其細也千丈之堤以蟻蟻之穴潰百尺之室以突隙之煙焚故曰白圭之行堤也塞其穴丈人之慎火也察其隙是以白圭無水難丈人無火患此皆慎易以避難敬細以遠大者也

王純甫曰人皆有所爲聖人亦人耳獨無所爲乎但衆人所爲者有爲之事聖人所爲者無爲之道此其所以異也事所爲之條件也味所爲之理趣也聖人之能不勞者託於無爲也無大則若細無易則若難保其無而無往不得所難者保無而已矣

六十四章

其安易持其未兆易謀其脆易散其微易散爲之於未兆治之於未亂合抱之木生於毫末九層之臺起於累土千里之行始於足下爲者敗之執者失之是以聖人無爲故無敗無執故無失民之從事常於幾成而敗之慎終如始則無敗事是以聖人欲不欲不貴難得之貨學不學復衆人之所過以輔萬物之自然而不致爲焉

此章言無爲之道慎終如始以一己之自然輔萬物之自然也已危而持之難矣故其安易持已若而謀之難矣故其未兆易謀其脆易散其微易散其微易於消散亦猶是也此即同難於其易也合抱之木生於毫末大生於小也九層之臺起於累土高起於下也千里之行始於足下遠始於近也此即爲大於其細也聖人謹之焉故爲之於未有不爲爲之而已治之於未亂以不治治之而已蓋有心於爲其事者意欲求其成而或

反敗之也。有心於其物者，意欲保其得而反失之也。世人不知物之自然，以爲非爲不成，非執不與禍爭，禍與福生，皆故多敗。失理人，其爲故無，故無失，始終皆因其自然，不以人助天，且能始終如始，故無敗事。不問凡民之從事，有意於爲之，以之方其始，若無所容其動，及其終，又不免於意，皆爲之快之也。此世人所以多成而敗也。惟聖人之欲與凡民異，不欲衆人之所欲，故不以難得之貨爲可貴也。聖人之學與凡民異，不學衆人之所學，故能復衆人之所過，而反諸道也。蓋萬物之理無爲而自然，聖人固一己之自然，以輔萬物之自然，豈有爲之快之之病哉？其所以不敢爲者，亦因其自然也。

韓非子曰：冬耕之稼，後獲不能獲也；豐年大禾，收穫不能獲也。以一人力，則後獲不足，隨自然則收穫有餘。故曰：恃萬物之自然，而不取爲也。劉堅曰：欲衆人之所不欲，故曰不欲不欲衆人之所欲，故曰不欲。得之貨，學衆人之所不學，故曰學不學衆人之所學，故曰復衆人之所過。

六十五章

老子 約 卷四

古之爲道者，非以明民將以愚之。民之難治，以其智多。故以智治國，國之賊；不以智治國，國之福。知此兩者，亦楷式。常知楷式，是謂玄德。玄德深矣，遠矣。與物反矣，然後乃至大順。

此章言反者道之動，故善爲道者，貴愚不貴智也。老子生常周，末每念上古無爲之治，其民皆淳樸而愚，因慨然曰：古之爲道者，其政悶悶，其民淳淳。我乃知其道非以明民將以愚之矣。夫衆人昭昭，我獨昏昏；衆人察察，我獨悶悶。我愚人之心也哉。古之爲道者，既已自處於愚，則欲致斯民之愚，以共由乎道，亦無足怪也。何則？今且民之難治，在於多智多智，則巧偽日出，吾纘示之以無爲，示之以自然，而猶恐不悟，況以智示之，然故以智治國，則民相率而爲僞，是爲國之賊矣。惟不以智治國，行其無事，則民心不生，進之於無爲，則淳樸可返，是爲國之福矣。兩者以智與不以智之異也。如此兩者，非特施於治國而已，於吾身亦楷式也。知其子守其母，復身不殆，是不以智治之而福者也。開其兌，濟其事，終身不救，是以智治之而賊者也。能知楷式而不遠其德，可謂玄矣。玄德之妙，深遠而非淺近，人不爲測，即如人皆欲智，我獨欲愚，是相反也。人皆曰：

病以明民，我則云：道以愚人是相反也。反者道之動，由其與物反是故不可明民，由其與道合是故謂之大順。據按老子之書，最禁人用智，故曰：前識者道之華而愚之始也。慧智出有大僞，絕聖棄智，民利百倍；指智而言，必棄去其智，然後可以見素抱樸，少私寡欲也。吾國雖智大達第三，言當使民無知，無欲使夫智者不敢爲也，爲無爲則無不治。此即非以明民將以愚之之註脚。而明字則老子書重十，章明白四達，十六章常知曰：明二十二章不自見故明二十七章是謂強明三十六章是謂微明四十一章明道若昧五十二章見小曰明用其光復歸其明已寓不尚智之意，故亦曰：光而不耀三十三章知人則智，自知者明，直言之不及明，蓋智者有自作聰明之弊，我以智示民，則民以智應，而國愈多事，必使之棄去智，是返於愚，愚國乃可得而治也。而明道明德皆賴乎明，故曰：知其白守其黑，知其子守其母，明與智之不同如此。其意若曰：必使民無知，無欲，去其智，自安於愚，然後爲國之福也。愚之勝智，即柔弱勝剛強，無爲勝有爲之義，雖與尋常之物理相反，而治國之遠期大順也，蓋亦使民由不使民知之意耳。

老子 約 卷四

四

王輔嗣曰：愚則無知，守真順自然也。衆夢得曰：以智治國，國之賊；不以智治國，國之福。然是足以爲楷式，而非道也。故謂之玄德，稽玄德而至深且遠，則近乎本，而與物反矣。然後各安其性命之情，是以謂之大順。劉仲平曰：不以智治國者，開天者也；以智治國者，開人者也。開天則順順則行其所無事，其政所以不嚴而治，開人則察察則失於太察，其民所以不淳而缺，故曰：以智治國，國之賊；不以智治國，國之福。

六十六章

江海所以能爲百谷王，以其善下之，故能爲百谷王。是以欲上人，必以言下之；欲先人，必以身後之。是以聖人處上而民不重，處前而民不害，是以天下樂推而不厭，以其不爭，故天下莫能與之爭。

此章言無爲之道，能善下而不爭也。王之爲言，天下所歸往也；江海居水之下，流以其善下，故能爲百谷王。天子爲天下所歸往也，亦然。故聖人之有天下也，以言其位，則欲上人而孤寡不穀之稱，則以其言下之也；以言其序，則欲先人而知足止之心，則以其身後之也。是以處上而民不重，下知有之而已，重不在人而重在己也。處前而民不

將以其無私故能成其私也是以天下皆樂推戴之而不厭也夫有天下而能以言下民以身下民非忘天下者不能也故天下豈有爭之心哉二十二章言夫唯不爭故天下莫能與之爭以其不自伐也此章言以其不爭故天下莫能與之爭以其不自下也

蘇子曰曰聖人非欲上人非欲先人也蓋下之後之其道不得不且先耳李息言曰惟其上下相忘是以天下樂推而不厭蓋吾之所取者非民之所爭也無爲之爲天下且不見其朕況欲與之爭乎蓋斯皆曰德下之則形上矣德後之則形先矣楊雄云自下者人高之自後者人先之

六十七章

天下皆謂我道大似不肖夫唯大故似不肖若何久矣其細也夫我有三寶持而保之一曰慈二曰儉三曰不敢爲天下先慈故能勇儉故能廣不敢爲天下先故能成器長今介

此章言反者道之動慈儉後與勇廣先相反而實相成也竹者有所似也道爲萬物祖

老子約

五

體道者物當似我我豈似物若似乎物則亦一物而已故以似不肖爲道大也惟其道大故玄之又玄運之爲德亦曰玄德玄德之用以弱爲強以鈍爲利以退爲進不合於世俗世俗貴勇敢尚廣大夸進銳善之所貴一曰慈二曰儉三曰不敢爲天下先慈者似也而實勇道所以爲勇儉者似也而實廣所以能廣不敢爲天下先者居人後而不爲長然自後者人先之適所以首出而後之爲器之長焉我德能保而持之則進乎道而不肖乎物矣而世之人則舍慈儉而後之實而剛強以爲勇修德以爲廣銳進以求先則皆死之徒也夫儉與剛強可資而慈者父道有仁民愛物之心又爲三寶之首也以不忍人之心行不忍人之政不嗜殺人能救衆生民之貧之如救父母故以戰則勝以守則固天將欲救斯民也必賴此慈惠之師以衍之矣慈故能勇又何疑焉韓非子曰愛子者慈於子重生者慈於身貴功者慈於事慈母之於弱子也務致其福務致其利則事除其禍事除其禍則思慮患患患則得事理得事理則必成功必成功則行之也不疑不疑之謂勇聖人之於萬事也猶如慈母之爲弱子慮也故見必行之道見必行之道則明其從事亦不疑不疑之謂勇不疑生於慈故曰慈故能勇又曰

智士之用其財則富聖人之愛寶其神則精盛人君重職其卒則民衆民衆則國富是以舉之日後故能廣廣斯謂曰此假用兵以明道貴在於守慈也或云若以人身言之則邪念多於敵國利欲勝於鋒鏑蓋亦寡欲以至於無欲以全其所寶乎趙孟文曰老子之謂大心固焉而不能知口辟焉而不能言者是也世俗何足以知之耶聖人是三者以爲世教一經之中十居七八戒用兵者五章戒戰者一章戒殺者三章戒勇不爭者十五章又於其中以慈爲首天將救是人也付之以慈所謂天壽其衷是也天將棄是人也付之以惡所謂天奪其魄是也

六十八章

善爲士者不武善戰者不怒善勝敵者不與善用人者爲之下是謂不爭之德是謂用人之力是謂配天古之極

前章言以其不爭故天下莫能與之爭此章復申言之以見無爲之德與天配也蓋慈者之用兵也出於不得已不敢爲天下先善處下而不爭者也唯其不爭故善爲士者不武善戰者不怒善勝敵者不與敵爭是謂不爭之德也前章言不爭由於善下故善

老子約

六

用人者爲之下是謂用人之力此亦不爭之效也夫德則不爭力則用人雖用兵之危我猶無爲況其他乎德至於無爲則與天同而無以復加矣故曰是謂配天古之極按善爲士者不武即孔子所謂臨事而懼好謀而成不尚暴虎馮河之勇也今之拳術猶謂臨時不可發怒故善戰者不怒也善勝敵者不與謂不與敵爭一時之勝而戰勝於無形也

鳩摩羅什曰心形既空孰能與無物者爭李息言曰聖人身且無而況於爭由其不爭凡所應物者皆其不得已也趙孟文曰可以配天古之至極要道

六十九章

用兵有言善者不敢爲主而爲客不敢進寸而退尺是謂行無行無爲而無敵無兵禍莫大於輕敵輕敵幾喪吾寶故抗兵相加哀者勝矣

此章中言慈之爲寶也古兵家有言曰吾不敢爲主而爲客爲客者不敢始事與人爭也不敢進寸而退尺是退而不進無意於爭也所以然者道之爲常出於無爲過於不得已而用兵惟以慈爲寶而不取有爲之心故然其行以行雖有行如無行也慎其

昔以前雖有智如無智也仍就也前進而就前則有故如無故也用人以法其則有共如無共也此無他其爲常出於無爲故其勝皆由於不爭也苟不能出之以無爲知主而不知客知進而不知退是之謂輕敵輕敵則吾所謂以慈爲寶者亦幾於喪矣夫慈者有哀矜憐憫之心者也兩敵舉兵相加而吾出於不得已則哀矜心見而天人之助之是探必勝之道也葉夢得曰大司馬之法曰伐者以銳發其罪而告之止於是上服其罪則已不必於進也故進以寸則常退以尺則常多此雖行而若無行也雖進而若無進也不見可敵若無仍也雖執之若無兵也林希逸曰此章全是借戰事以喻道推此則書中設喻處其例甚明

七十章

吾言其易知甚易行天下莫能知矣能行言有宗事有君夫唯無知是以不我知知我者希則我貴矣是以聖人被褐懷玉

此章承上章道大似不肖我者三寶而首無天下之不我知也吾所言者皆淡泊無爲之道出於自然甚易知也吾所行者慈後不爲人先私寡欲而已甚易行也而世之

老子

卷四

七

人既莫知此道之可貴而出於自然所以不能行此道之慈儉以寡其私欲殊不知道法自然其言亦希而自然自然則無爲是則自然者言之宗也無爲者事之君也人苟知此大宗旨大主則淡泊清靜求諸吾身而自足無如其蔽於私欲而昏然無知嗟乎世之人於道既茫無所知其不我知也宜矣雖然知我者希我亦何害惟其不我知則我貴而人賤也何以貴蓋得道者恬淡虛無無思無爲長生久視之道也世人之不我知則皆強梁者死之徒所以賤也也是以聖人連連兮獨兮和光同塵有似於被褐矣然而其中有寶有似於懷玉也獨惜知我者希未能見斯道之行耳李息齋曰道其易知易行而亦難知難行所謂易知者無道可道無學可學無爲可爲無事可事豈不其易知易行哉然至道不可道則言語皆非學不可學而心動即爲爲無爲而寂然不爲者未必是事無事而終日事者未必非此其所以難而天下莫知矣行也如來文曰此章起下章如不知之蓋天惟無知如木石之無知也道不可以知知誠難哉觀諸篇而巳夫道固非窮究之謂然自窮究而後入此豈世俗所能知哉世雖不知得道者外晦而內真不亦可乎

七十一章

知不知上不知知病夫唯病病是以不病聖人不病以其病病是以不病此章言道從知入而以不知爲知以見道無不爲而以無爲爲爲也玄深微妙之道非知無以入然應明若知守之以愚若既知而存知則得其精而遺其粗微矣故知而不知者上也不知而知者病也知者逐物故多爲不知者返本故近真夫唯知知之爲病而病之則反乎無知而不知不足病之矣故曰夫唯病病是以不病聖人不病以此而已然聖人不恃一己之生知而憫衆人之多知故於衆人有病之可病者亦憐然以爲病而病之以其病人之病若己之病是以自己始終不病也

呂吉甫曰南伯子綰曰我悲人之自喪者吾又悲夫悲人者吾又悲乎悲人之悲者其後而自遺矣若子綰者可謂病病者乎焦氏筆乘曰道以知入以不知化知即釋氏之知無也不知即釋氏之無知也始以知無道其有隨以不知道其知萬法歸無無亦不立非上而何彼於虛空之中橫生意見清淨之內忽起山河世界生華迷頭認影則病矣凡有知皆妄也凡有妄皆病也學者方狃於玄覽寶而持之病矣從摩乎無非子

老子

卷四

八

曰越王之病也不病官武王之王也不病思故曰聖人之不病也以其不病是以無病也司馬溫公曰道不屬知不屬不知知是妄覺不知是無計未明其道從無立知寧樂

七十二

民不畏威則大威至無殃其所居無厭其所生夫唯不厭是以不厭是以聖人自知不自見自愛不自貴故去彼取此此言無爲自然之道能全其生也薛云畏天之威于時保之苟不畏威以一國言則禍亂之無日以一身言則死亡可立待故曰民不畏威則大威至矣夫有國者當畏天命無待言矣即以身言之心者神之舍神定則心虛無外物以蔽之則不殃矣非索兌閉門不爲功形者氣所生精全則氣足無多事以擾之則不厭矣非專氣致柔不爲功厭者天厭之之厭惟其不自厭是以天亦不厭之也莊子曰人所取畏者重席之上飲食之而面不知爲之戚者過也嗟乎脫賊用然速死服食未必延年是皆營其居之廣而便其生之適而便其耳豈不哀哉誠使學者知夫心者道之居其大無量而

充之以全其大生者道之逝其川不窮葆而養之以致其用則聚精會神全生養氣廣居非狹居而居之安矣長生非貪生而生非狹矣自知謂自知養生之理也自愛謂自行養生之道也自見謂益生之見太偏也自貴謂貪生之心太重也聖人自知不自見自愛不自貴故含德襲明少私寡欲自愛之篤體乎自然以馴至乎根深蒂固長生久視之道故大威之至不待畏而自無可畏也被謂自見自貴此謂自知自愛王輔嗣曰清淨無爲謂之居謙後不盈謂之生呂吉甫曰聖人自知以常而不自見以外其身知常以外其身乃所以不狹其居也自愛以常而不自貴以道其生愛善而道其生乃所以不厭其生也王芳曰自知則明於性而不妄爲自見則矜伐自愛則保其身而不爲非自貴則賤物

勇於敵則殺勇於不敢則活此兩者或利或害天之所惡孰知其故是以聖人猶懼之天之道不爭而善勝不害而善應不召而自來綽然而善謀天網恢恢疏而不失四此章言天道報應之理爲惡人插下鍼砭也凡勇於敢爲惡者則死所謂強梁者死之

使也。勇於不取爲惡者則所謂柔弱者生之徒也。此乃指其常理而言。然而敢者或以得生不敢者或以得死觀之世間比比皆然。所以敢者人以爲害而或時得利不敢人以爲利而或時得害。遂以爲報應之理。或與天道幽遠而難測。孰知其好惡之所往。來哉。夫敢於爲惡者惡人也。而未得惡報不敢於爲惡者善人也。而未得善報。然則天之所惡孰知其故。雖惡人難測之況衆人乎。列子曰。連天意揣利害不如其已。患天道之難知也。雖然天道不可知而可知者也。蓋天之生物因其材而篤焉。裁者培之。傾者覆之。則未嘗與物爭者也。而物莫能違之者。故曰不爭而善勝。天何嘗戕四時行焉。百物生焉。其行其生未嘗差也。故曰不計而善處。莫之爲而爲者。天也。莫之致而至者。命也。故曰不召而自來。易則易知。而其道虛處。與時消息。而未嘗遠。故曰樞然。而善謀。天聰明自我。民聰明天明。威自我。民明。威其聰明。胡威未嘗自川而惠吉。連肉猶影響也。故曰天網恢恢。疏而不失。易繫辭曰。積善之家必餘慶。積不善之家必餘殃。與老子之善互相發明。可見報應之理。終無或爽也。

吳章曰。敢爲惡之人。乃天所惡。然天之所惡。深味難測。何以知其果爲天所惡之人。

乎其人雖可殺聖人猶有難之之意而不敢輕易殺之也聖人不輕易殺之則爲惡者皆得漏網而天網不漏也天之於惡人非如人之以力與爭固天定自能勝人非如人之以口與言而其應如響應察其相應之速不待召之而自來至惡有惡報雖用智計之不可逃免天雖無心坦然平易而巧於報應有非人謀之所能及及此天網恢恢廣大假若疎而不密然未嘗失一惡人無得漏網者聖人雖不殺之而天自殺之也李息指曰自其天之未勝天之未應及來之未至謀之未定而言之則強者或得勇者或勝蓋有之矣要其後面徐觀之然後知天網恢恢疎而不失也

民不畏死奈何以死懼之若使民常畏死而有奇者善得執面殺之孰敢常有司殺者殺夫代司殺者殺是謂代大匠斲夫代大匠斲者希有不傷其手矣

此章即孔子政刑不如道德之意爲暗殺人者等也今之人君放於誅殺而無慈心者豈不曰以刑齊民其國可治哉而不知民不畏死雖以死懼之無益也若使民常畏死則吾執不正之人奇邪爲惡者一人殺之則人人知畏孰敢爲惡哉無如愈殺而爲惡

者愈多是可見民之不畏死刑之不足恃也若能感之以德疵之以慧使民皆化惡而爲善則天亦不生惡人可臻無爲之治矣即使尙有惡人亦不患無殺之者也天網恢恢疎而不失常有司殺者殺之矣若刑罰出於好惡而不由於天誅是則非天之所殺而吾殺之乃代司殺者殺也代大匠斲則傷其手代司殺者殺則災其身天下豈有暗殺之君能治其國者欲盜返而求諸道德也

趙希文曰：晉平公焚書之旨曰：予殺人子多矣，能無及乎？以天道好還，此嗜殺人者之戒也。秦報痛天下固不足道，以疑似而戮李君，蓋以猜忌而戮王景文，此豈天道也哉？若漢唐諸賢謀臣，官豎之罪誠大矣。天未老其惡，故有代大匠斲傷手之禍。又況肆行殺戮者，慨然不可長，幸不可恃。楚漢之戰，五季之亂，其所誅屠幾滅，若十室而九亦天教之也。爲惡者可無懼乎？張來曰：萬物展收必歸於滅，道而後止，則常有司殺者歟？竊司殺者之常理而移之，以行其殺，非徒不足以懼物，而亦有所不及也。薛君采曰：我朝太祖皇帝道德經序曰：朕自即位以來，罔知前代帝王之道，問道諸人人皆我見。一日試覽群書，有道德經一卷，見其文淺意奧，久之見本經云：民不畏死，奈何以

死懼之當是時天下初定民類更勝雖有十人乘市者百人仍爲之如此者豈不
應經之所云朕乃能極刑而囚役之不逾年朕心誠服知經乃萬物之至根王者
之上師臣民之極寶非金丹之術也於歲太祖蓋天經大聖人故其聰明睿知言之
與如此豈聰明作元后太祖之謂矣仁人之言其利溥哉老子之謂矣

七十五章

民之饑以其上食稅之多是以饑民之難治以其上之有爲是以難治民之輕死以其求
生之厚是以輕死夫唯無以生爲者是以貴於養生

此章言上求養生之厚而民死由於多欲惟無以生爲者然後可望無爲之治也夫君
與民一體也故孔子曰百姓不足君孰與足今之民何以饑困上之賦稅重而多取於
民也上何以多取於民因其求生之厚以有爲也上有爲者民亦以有爲應之上
欲自厚其生民亦欲爭厚其生故求生之厚者求利不厭者也上下交征利國之所以
難治也上以求生之厚而民死民以求生之厚而輕死而益多矣矣惟聖人無
事而民自富無欲而民自樸至於食稅之多而饑無有也無爲而民自化好靜而民自

老子約 卷四

正至於有爲而難治無有也自富自樸自化自正而不饑以難治至於求生之厚而輕
死無有也不亦漸至於無爲之治哉聖人之於生蓋不得已彼視其生若無以生爲也
豈肯厚吾之生而奪人之生乎然而外其身而身存無以生爲者反以極其生實於欲
厚其生而貴生者之反易死也

王純甫曰無以生爲者貴於養生即吾無害身者有何患之意此章之言山田及精要
其歸重於此耳王肅山曰夫食稅者上而飢者民有爲者上而難治者民彼此不相知
而相因誠有之矣統吾之生而欲生之無異矣矣孰知其不相知而相因也肝也之即
爲胡越乎故同其異則胡越肝膽也異其同則肝膽胡越也

七十六章

人之生也柔弱其死也堅強萬物草木之生也柔脆其死也枯槁故堅強者死之徒柔弱
者生之徒是以兵強則不勝木強則共強大處下柔弱處上

此章言柔弱勝剛強之理以見柔弱則生剛強則死也道之貴柔弱沖氣存焉無形也
試以有形者喻之人生也柔弱其死也堅強草木之生也柔脆其死也枯槁此則有

正一天師清微弟子 洪百堅 製作

形可見者也夫人生與草木皆堅強者死柔弱者生即此物理而推之則凡堅強者死
之徒也凡柔弱者生之徒也而有形者且然無形者何獨不然試以用兵言之兵強則不
勝弱其理則同故孫子謀其強則弱兵必敗無可勝之道也項羽百勝之衆列於烏
江有堅百萬之師而於鍾水非兵強不勝之說試合乎曰共商乘殺生於朝七日大共
秦伯怒殺叔曰暮木拱矣皆合拱也木強而合拱則共伐之然則柔弱者勝剛強之理亦
可識矣蓋柔弱者無之化也柔弱者非所以爲道而近於無爲剛強雖未離乎道而近
於有爲斯則生死之所關而處下處上更不待言矣但以木喻之強大處下根本是也
柔弱處上枝條是也木猶如此人可知矣而道更可知矣

七十七章

天之道其猶張弓與高者抑之下者舉之有餘者損之不足者補之天之道損有餘而補
不足人之道則不然損不足以奉有餘孰能有餘以奉天下唯有道者是以聖人爲而不
恃功成而不處其不欲見賢耶

老子約 卷四

十一

此章言無爲之道合乎天道也易曰立天之道曰陰與陽陽主升升極則降陰主降降
極則升此則抑高舉下張弓之象也天道虧盈而益謙此則損有餘以補不足之義也
然則天之道無爲而已矣無爲則無私無私則均抑高舉下損有餘補不足皆均也人
之道則有爲有爲則私私損民之不足以奉君之有餘於是民愈貧而君愈富其逆天
也其矣孰能逆天之道以爲人道損有餘以補不足乎其惟無私之有道者乎蓋無私
即無爲之道也有道者抱無爲之道即聖人也故不恃其所爲之能而若無能不居其
所成之功而若無功利澤施於萬民聲名溢乎中國而不欲見其賢故能與天道合一
也

王輔嗣曰言唯能處盈而全虛損有以補無和光同塵焉而均者唯其道也是以聖人
不欲示其賢以均天下蘇子曰曰張弓上筋弛弓上角故以況天之張高舉下

七十八章

天下莫柔於水而攻堅強者莫之能勝其無以易之弱之勝強柔之勝剛天下莫不知

莫能行是以聖人云受國之福是謂社稷主受國不祥是謂天下王正言若及此亦亦言柔弱勝剛強之效也天下之物至柔弱者莫過於水而水滿石穿決堤岸

老子約 卷四

十三

取堅強而為攻者我受天下之福也終古而無易心而力從之何也水之無力均其無

七十義章

和太想必有德安可以為德是以聖人執左契而不責於人有德司契無德司徹天道

此章言有德者不論德報實有合於天道也太上貴德其次貴德報德報者我對待

老子約

為而不恃功成不居以有餘奉天下之不足此其所以無怨而不責於人之前也後通

老子約 卷四

十四

小國寡民使有什伯之器而不用使民重死而不遠徙雖有舟車無所乘之雖有甲兵無

至老死不相往來

此章無為之治可以理想而得之也小國寡民即冉求為邦方六十如五六十之意

三一五七三

蓋有慨乎哉周之世文勝俗弊非以無爲教之不能勝其巧僞而返之樸誠故聖智仁義皆不足自而獨淵玄深微妙之道德其旨深哉莊周稱至德之世曰昔者容成氏大庭氏伯皇氏中央氏栗陸氏鬲氏軒轅氏赫胥氏尊盧氏祝融氏伏羲氏神農氏云云亦老子之意也夫老子之以無爲治天下豈空言說大道之行匪要人任也陶元亮之言曰無懷氏之民歟葛天氏之民歟桃花源真在世間令人神往矣王輔嗣曰因既小民又寡尙可使反古況國大民衆乎故舉小國而言之也使民雖有什伯之器而無所用何患不足也使民不用惟身是寶不食貨賂故各安其居重死而不徙徙也王船山曰夫天下亦如是而已以寡小觀寡小以強大觀強大以天下觀天下人同天同道道同自然亦安往而不適哉推而準之四海之廣貴安其居而賤不肯不來則賈貴定賤不肯安其居而賈貴不往則賤不肯和反而求之一身之內耳目安其居而心思不往則耳目自全心思安其居而耳目不來則心思正抱一者抱其一而不微其一乃以玄同於一而無將迎之意

八十一章

老子約卷四

十五

信言不美美言不信善者不辯辯者不善知者不博博者不知聖人不積既以爲人已愈有既以與人已愈多天之道理而不善聖人之道爲而不爭

此章老子言善者之旨由於不積故善信而約凡以利人也莊子曰以有積爲不足無藏也故有餘不積即至足也其爲道也虛而無有用之不窮老子之五千言可謂信可謂善可謂知矣後之讀道德經者信此而已安用美善此而已安用辯知此而已安用博由此觀之則知美者不信多文飾而無實際也辯者不善好議論而欠精純也博者不知玩物喪志而虛靈之心日寒也惟此五千言精深簡約實信實善與他人之言道德者不同蓋道之爲物未始有物者也聖人與道合體是以無積而玄深微妙應世而不窮是不積而實至富者也故既以爲人已愈有既以與人已愈多使其有積也則用之有時而難安能愈有而愈多乎人之道有利者莫不有善天之道出以無心以不利利之故利而不害人之道有爲者莫不有我我故有爭聖人之道雖爲而無爲無爲故無我無我故不爭然則聖人之道即天之道而已矣愚按實了凡功過格諸書及太上感應篇皆勸人爲善爲善者費心費事費財者也而老子曰既以爲人已愈有既以

與人已愈多人能明其義則知爲善之最樂矣蓋人能爲善能爲人能與人者也己身則富貴壽考子孫亦安富貴榮榮亦何樂而不爲雖有心爲善不能如太上之道德出以無心然福壽禍福之理天道之所必然故易曰惠迪吉從逆凶積善之家必有利積不善之家必有害積老則云天網恢恢疏而不失天道無親惟與善人其欲人之去惡而爲善也蓋至明顯未章復終以聖人不積既以爲人已愈有既以與人已愈多爲信言可通於勸善之理然則積財以遺子孫者積陰德於冥冥之中也歟

政和注曰善言且成而未嘗費我萬物皆往資焉而不厭蘇子由曰聖人抱一而已他無所積也然施其所能以爲人推其所有以與人人有盡而一無盡然後知一之貴也無窮侯銀乘曰或曰老子之爲言使人得以受而味焉則近乎美窮萬物之理而無不至則近乎辯察萬物之變而無不該則近乎博然不知其有信而不善善而不辯如而不博者存何也則以五千言所言皆不積之道耳不積者心無所住之謂也夫積而不積則言而無言矣言而無言故非不爲人也而宋嘗分已之有非不予人也而宋嘗損已之多斯何惡於辯且博哉苟非不積之道而第執其意見以與天下爭則多言數窮

老子約卷四

十六

者流非天道也天之道理而不善聖人之道爲而不爭學者於此而刻心焉老氏之書亦思過半矣豫按弱侯秀書多近輕悅以心無所住解不積可見一斑